

四庫全書

子部

欽定四庫全書

北堂書鈔卷五十一

唐 虞世南 撰

明 陳禹謨 補註

設官部三

太宰

太尉

大司馬

大將軍

太宰

太宰古官金章紫綬

晉百官表注云云五時朝服進賢三梁冠珮山玄玉官品第一也

冢宰之官以成道

家語云古之御天下者以六官總治焉冢宰之官以成道司徒之官以成

德宗伯之官以成仁司馬之官以成聖司寇之官以成義司空之官以成禮

補統理百官均平

四海百官總已

贊王聽治

周禮太宰職云王眡治朝則贊聽治鄭玄注治

朝在路門外羣臣治事之朝王視之則助王平斷

正百官

正百工

掌邦治

周禮天官職惟王建國辨方正位體國經野設官分職以為民極乃立天官冢宰使率其屬而掌邦治鄭注治謂六官

主國政

布治于邦國

周禮太宰職云太宰掌以正月之吉始和布治

于邦國都鄙乃縣治象之法于象魏使萬民觀治象挾日而斂之

乃施典于邦國

又云太宰

乃施典于邦國而建其牧立其監設其參傅其伍陳其殷置其輔鄭注乃者更申勅之以侯伯有功德者加命作州長謂之牧監一國參謂鄉三人伍謂大夫五人也殷謂衆士輔府史庶人在官者也乃施法于

官府

又云太宰乃施法于官府而建其正立其貳設其考陳其殷置其輔鄭注正謂冢宰司徒宗伯司馬

司寇司空也貳謂小宰小司徒小宗伯小司馬小司寇小司空也考成也乃施則于都鄙云

太宰乃施則于都鄙而建其長立其兩設其伍陳其殷置其輔鄭注長謂公卿大夫王子弟食采邑者兩謂兩

鄉不言三鄉者不足以諸侯補以六典佐王一曰治典以經邦國二曰教典以安邦國三曰禮典

以和邦國四曰政典以平邦國五曰刑典以詰邦國六曰事典以富邦國以八柄詔王又云

以八柄詔王馭羣臣一曰爵以馭其貴二曰祿以馭其富三曰予以馭其幸四曰置以馭其行五曰生以馭其

福六曰奪以馭其貧七曰廢又小宰職以馭其罪八曰誅以馭其過云一曰治

職以平邦國二曰教職以安邦國三曰禮職以和邦國四曰政職以服邦國五曰刑職以詰邦國六曰事職以

富邦又云小宰以官府之六屬舉邦治國補以六屬舉邦治又云小宰以官府之六

曰夏官五曰秋又云小宰以官府之六官六曰冬官又云小宰以官府之六以六聯合邦治又云小宰以官府之六

聯事二曰賓客之聯事三曰喪荒之聯事四曰軍又云小宰以官府之六旅之聯事五曰田役之聯事六曰斂弛之聯事又云小宰以官府之六以八

成經邦治又云小宰以官府之八成經邦治一曰聽政又云小宰以官府之八役以比居二曰聽師田以簡稽三曰聽閭里

以版圖四曰聽稱責以傳別五曰聽祿位以禮命六曰聽取予以書契七曰聽賣買以質劑八曰聽出入以要

會以八法治官府又云太宰以八法治官府一曰官屬以舉邦治二曰官職以辨邦治三曰

官聯以會官治四曰官常以聽官治五曰官成以經邦
治六曰官法以正邦治七曰官刑以糾邦治八曰官計

以弊以八則治都鄙又云太宰以八則治都鄙一曰祭祀

邦治三曰廢置以馭其吏四曰祿位以馭其士五曰賦貢以

馭其用六曰禮俗以馭其民七曰刑賞以馭其威八曰

田役以馭其衆以六計弊羣吏又小宰以聽官府之六計弊羣

取其衆曰廉敬四曰廉正五以六敘正羣吏又云小宰以官府

曰廉法六曰廉辨以六敘正羣吏之六敘正羣吏一

曰以敘正其位二曰以敘進其治三曰以敘作其事四
曰以敘制其食五曰以敘受其會六曰以敘聽其情

以九兩繫邦國之民又曰太宰以九兩繫邦國之民一
三曰師以賢得民四曰儒以道得民五曰宗以族得民
六曰主以利得民七曰吏以治得民八曰友以任得民

九曰藪以

富得民以九貢致邦國之用

又云太宰以九貢致邦國之用一曰祀貢二曰

嬪貢三曰器貢四曰幣貢五曰材貢六曰貨貢七曰服貢八曰旉貢九曰物貢以八統馭萬民

又云太宰以八統詔王馭萬民一曰親親二曰敬故三曰進賢四曰使能五曰保庸六曰尊貴七曰達吏八曰

禮以九職任萬民

又云太宰以九職任萬民一曰三農生九穀二曰園圃毓草木三曰虞衡

作山澤之材四曰藪牧養蕃鳥獸五曰百工飭化八材六曰商賈阜通貨賄七曰嬪婦化治絲枲八曰臣妾聚

斂疏材九曰閭民無常職轉移執事以九賦斂財賄

又云太宰以九賦斂財賄一曰邦中之賦

二曰四郊之賦三曰邦甸之賦四曰家削之賦五曰邦縣之賦六曰邦都之賦七曰闔市之賦八曰山澤之賦

九曰幣餘之賦以九式均財用

又云太宰以九式均財用一曰祭祀之式二曰賓客之式三曰

又云太宰以九式均財用一曰祭祀之式二曰賓客之式三曰

喪荒之式四曰羞服之式五曰工事之式六曰幣帛計之式七曰芻秣之式八曰匪頒之式九曰好用之式計

羣吏

又曰太宰三歲則大計羣吏之治而誅賞之

制國用

收舉五穀播

時百穀

西陽王以宗室加禮

晉起居注咸康元年以太宰西陽王義宗室長

厚特加禮敬依安平王故事設床帳于後也

何太傅以耆艾進位

晉書何曾進位太傅

以老年屢乞遜位詔曰司徒所掌務煩不可久勞耆艾其進太宰侍中如故朝會劔履乘輿上殿如漢相國蕭何千秋魏太傅鍾繇故事補

太尉

太尉古官金印紫綬

晉百官表注注曰自上安下曰尉武官悉以為

按漢百官表應劭

稱**掌武事**

漢百官表云

郊祀之事掌亞獻

漢書百官志云太尉公一人掌四方

兵事功課歲盡即奏其殿最而行賞罰凡郊祀之事掌亞獻大喪則告謚南郊凡國有大造大疑則與司徒司

空通而論之國有過事則與三公通諫爭之補定大疑通政事

見贊俊傑遂賢

良興仁隆化

古今通典云興仁隆化幽贊神明奉度順道使灾不生

網維皇室

魏志明帝寢疾劉放孫資召太尉司馬宣王以綱維王室

九州用綏羣公咸治

崔駰太尉

箴云天官冢宰庶僚之率師錫有帝命虞作尉爰叶台極爰平國域制軍詰禁王旅惟式九州用綏羣公咸治

干戈載戢宿躔其紀上之云據下之云戴苟非其人戮我帝載昔周人思文公而召南詠甘棠昆吾崇夏伊摯

盛商季葉頗僻禮用不匡無曰我強莫余敢喪無曰我大輕戰好殺紂師百萬卒以不艾宰臣司馬敢告在際

補

上清三元下寧九域

隴西王泰為太尉冊曰惟君為世家親則宗臣其上清三元下

寧九域永欽洪範以康濟宇宙敬哉 補按初學記冊曰朕惟君行為時表親則宗臣論道經邦保又皇家是用

進登上

年融六年典職

應劭漢官儀章帝詔曰司空年融典職六年勤勞不怠其以融

為太尉錄尚書事

趙峻二世掌機

又云沖帝丁酉策書太尉趙峻二世掌機衡有匪石不

貳之心大司農李固公族之苗忠直不回有史魚之風今以峻為太傅固為太尉與大將軍冀參錄尚書事補

每陳諫爭

東觀漢記楊震為太尉性忠誠每諫爭中常侍樊豐等譖之收印綬歸本郡震到洛陽都

亭謂門生曰吾蒙恩居上司奸臣狡猾而不能誅寵嬖傾亂而不能禁何面目以見日月遂飲鴆而死 臨

朝蹇諤

謝承集云永平之初太尉鄭洪臨朝蹇諤曰盱忘食

周勃厚重少文

漢書高祖

曰周勃厚重少文然安劉

氏者必勃也可使為太尉

華歆清素寡欲

曹植輔臣論曰清素寡欲

明敏特達志存太虛安心玄妙處平則以和

養德遭變則以斷蹈義華太尉歆之謂也

王龔在位

恭慎

漢書王龔為太尉在位恭慎自非公事

不通州郡書記其所辟命皆海內長者

鄧彪在位

清白

東觀漢記鄧彪為太尉在位清白公廉

鄭弘曲躬自卑

謝承漢書云鄭弘為太尉

舉主第五倫為司空班次在下每正朔朝見弘曲躬

自卑帝知遂置雲母屏風分隔之由此為故事

郗鑒

沖心愈約

晉書郗鑒進位太尉雖在公位中心愈約勞

揚秉不惑酒色

張璠漢記楊秉為太尉嘗曰我有三

不惑酒色財也則天下稱為名公

劉

寔不治產業

王隱晉書劉寔拜太尉不治產業居

無第宅祿賜皆給付親舊家無餘財

脫粟

布被

謝承後漢書曰朱寵為太尉家貧食脫粟飯卧布被朝廷賜錦被梁肉皆不敢當

菲食惡

衣

失姓氏

仲舉歎黃憲

後漢陳蕃拜太尉臨朝歎曰黃憲在吾不敢先佩印綬

道徽

舉蔡謨

晉書蔡鑿進位太尉篤疾舉蔡謨自代按都鑿疏曰太常臣謨平簡貞正素望所歸謂可為

都督徐州刺史臣亡兄息晉陵內史邁謙愛養士甚為流亡所宗又是臣門戶子弟堪任兗州刺史足以敢希

初奚之舉補初鑿值永嘉喪亂在鄉里甚窮餒鄉人以鑿名德轉供給之時凡子邁外甥周翼並小常携之就

食鄉人曰恐不能兼有所存鑿於是獨往食訖以飯著兩頰邊還吐與二兒後並得存邁位至護軍翼為剡縣

令固讓不就

謝漢書鄭洪為太尉固讓云云

稱疾不退

魏志華歆拜太尉歆稱病乞退

讓位於管寧帝不許臨當大會乃遣散騎常侍繆襲奉詔喻旨曰君其力疾就會以惠予一人將立席几筵命

百官總已以須君到朕然後御坐又
詔襲須歆必起乃還歆不得已乃起
年老固辭晉書劉寔拜太

尉自陳年老固辭上不許賜几杖宅一區不朝
按太安初定轉太傅以老病遜位賜安車駟馬錢百萬以侯

就第篤疾請代晉書郗鑒傳見前病免賜俸終身東觀漢記鄧彪為太尉在

位清白為百僚式視事以疾乞骸骨賜策罷
贈錢三十萬在所以二千石奉終其身補告老以侯

就第劉寔見前寇賊策免後漢太尉徐防以災異寇賊策免

國被水災北州湮沒死者以千數災異數降西羌反叛
殺掠人吏京師淫雨蝨賊傷稼稽防比上書自陳過咎

遂策免見上以日蝕免東觀云太尉張輔鄭弘

免補災異策免徐防趙喜並以日蝕免

流星免後漢太尉皇甫嵩以流星策免

按續漢書曰以日有重珥免補

大司馬

古之御天下以六官司馬之官以成聖

家語注云聖通也征伐所以通

天下成聖者聖功於是成也補絳服玄玉

晉官品令司馬官品第一武冠絳朝服佩山玄玉金

印紫綬

漢書百官表云武帝元狩四年置大司馬以冠將軍之號宣帝地節三年置大司馬不冠將

軍亦無印綬官屬成帝綬和元年初賜大司馬金印紫綬置官屬祿比丞相去將軍哀帝建平二年復去大司

馬印綬官屬冠將軍如故元壽二年復賜大司馬印綬置官屬去將軍位在司徒上有長史秩千石補按應劭

曰司馬主武也諸武官亦以為號師古曰冠者加於其上共為一官也附以冠將軍之號

位在司徒上

祿比丞相

並漢書百官表見上

平尚書事

漢官解故司

馬主天

韓詩外傳云司徒主人司空主土司徒主人

司馬主兵

白虎通云司馬主兵不言

兵而言馬者陽乾之所為行兵用馬不以傷害為文故言馬也

施邦國之政

周禮大司馬云乃以

九畿之籍施邦國之政職方千里曰國畿其外方五百里曰甸畿又其外方五百里曰采畿又其外方五百里曰衛畿又其外方五百里曰蠻畿又其外方五百里曰夷

畿又其外方五百里曰鎮畿又其外方五百里曰藩畿又其外方五百里曰甸畿又其外方五百里曰蠻畿又其外方五百里曰夷

平邦國之亂 掌九法平

邦國 周禮大司馬職云掌建邦國之九法以佐王平邦國制畿封國以正邦國設儀辨位以等邦國進賢

興功以作邦國建牧立監以維邦國制軍詰禁以糾邦國施貢分職以任邦國簡稽鄉民以用邦國均守平則

以安邦國比小事大以和邦國鄭玄注云興猶舉也作起也起其勸善樂業之心使不惰廢也簡謂比數之稽

猶計以九法正邦國又云以九伐之法正邦國馮弱犯

也寡則青之賊賢害民則伐之暴內

陵外則墮之野荒民散則削之負固不服則侵之賊殺其親則正之放弑其君則殘之犯令陵政則杜之外內

亂鳥獸行則滅之主戎馬之事高書孔傳云司馬教治兵之法

環濟要畧夏官司馬云云中春教振旅周禮大司馬職云中春教振

戰之陳鄭注以旗者立其民於旗下也兵者守國之備凡師出曰治兵入曰振旅皆習戰也四時各教民以其

一馬春習振旅兵入收衆專於農平猶正也中冬教大閱又云中冬教大閱

辨號名秋辨旗物韋昭辨釋名云大司馬者至冬大閱簡軍實大總武事武也大總武事訓馬為武

者取其以整武事物理論云高祖定天下統六師建九

法 平諸侯正天下

晉百官表注周禮云掌邦政者所以平諸侯正天下

涼風至

白露下全組甲勵士衆

管子云涼風至白露下天子命左右司馬全組甲勵士衆

予

王爪牙 違命則征害民則伐

環濟要畧云夏官司馬職若有違命則征之暴

賢害民則伐之

宰尹樞機

漢官解故

寇賊姦宄責之司馬

尚書大傳蠻夷猾夏

寇賊奸宄則責之司馬也

大司馬容光玄滬觀鳳凰

河圖錄云黃帝坐玄滬與大司

馬容光臨觀鳳凰

周公為司馬白魚入舟

侯謹歌詩云周公為司馬白魚入王舟

名應圖讖

東觀云讖曰孫咸征狄今以平狄將軍孫咸行大司馬事咸以武為官治圖讖

入毗

皇家

曹植輔臣論云文武並亮權智時發奢不過制儉不損禮入毗皇家帝之股肱出作侯伯實撫東夏

者曹大司馬也按大司馬曹仁也仁少時不修行檢及長為將嚴整奉法令常置科於左右按以從事鄢陵侯彰北征烏丸文帝在東宮為書戒彰曰為將奉法不當如征南邪傅子曰曹大司馬之勇賁育弗如也張遼其

次馬

景舍辭不受賞

春秋傳大司馬景舍帥軍伐蔡侯奉社稷而歸之楚發其賞舍辭

安世懼不敢當

漢書張安世傳云霍光薨魏相上封事言張安世上欲用之安世懼不敢當上

曰君而不可尚誰可者數日拜大司馬車騎將軍安世尊為諸侯身衣弋綈夫人自紡績也

吳漢在

朝唯公

續漢書吳漢傳上即位漢為大司馬華嶠漢書云漢在朝廷唯公按漢性彊力每從征伐帝

未安恒側足而立諸將見戰陳不利或多惶懼失其常度漢意氣自若方整勵器械激揚士吏帝時遣人觀大司馬何為還言方修戰攻之具乃歎曰吳公差強人意隱若一敵國矣每當出師朝受詔夕即引道初無辦嚴

次王曰軍

言

北堂書鈔

九

之日故能常任職以功名終及在朝廷斤斤謹質形於體貌漢常出征妻子在後買田業漢還讓之曰軍師在

外吏士不足何張奮名為清白華嶠漢書張奮為大司馬在位名為清白穰

直文能附眾史記晏子薦穰苴曰文能附眾武能敵國乃為大司馬子孟可屬社

穰漢書霍光傳云上年老寵姬鈞弋趙使仔有男上心欲以為嗣命大臣輔之察羣臣唯光任大重可屬社

賜上乃使黃門畫者畫周公負成王朝諸侯以光後上病篤以光為大司馬大將軍輔少主位極人

臣晉書陳騫為太尉加黃鉞為大司馬位極人臣石苞加羽葆鼓吹晉書石苞為大司馬

進封樂陵郡公加侍威震海內漢書霍光為大司馬大將軍政事一出於光威

震海內訖十三年百陳騫賜袞冕之服晉書陳騫為大司馬致仕賜騫

姓充實四夷賓服也

衮冕
之服

大將軍

將軍漢官金章紫綬

晉書官表注

晉以為卿號

續漢書百官志云將軍始

自秦晉以為卿號故置大司馬官號以冠之其後霍光王鳳等皆然

趙始受大名

漢官儀云將軍

周官也趙王以李牧為將軍破秦始受大名王翦灌嬰並為之

如三公

續漢書百官志云順帝即位以

皇后父兄弟相繼為大將軍如三公焉

按梁冀別傳曰元嘉二年又加冀禮儀大將軍朝到端門若龍門謁

者將引增掾屬舍人令史官騎鼓吹各十人梁冀順帝皇后父補

次丞相

蔡質漢儀曰漢興置大將

軍驃騎位次丞相車騎衛將軍左右前後皆金紫位次上卿典京師兵衛四夷屯警補

位在三公

上奏在三公下

辨釋名曰大將軍位在三公之上昭帝時霍光為大將軍猶在丞相下晉公卿

秩云陳騫為大將軍位次在三公下王仲為大將軍復在三公上

安帝嫡舅為之

續漢書百

官志云安帝政治衰缺始以嫡舅耿寶為大將軍常在京都

漢時貴戚為之

辨釋名云大漢

時將軍貴戚為之或錄尚書事

鎮撫四夷

漢武柏梁詩

威震州郡

續漢書吳漢為大將

軍持節北發十郡突騎更始幽州牧苗曾不肯應調漢斬曾威鎮州郡將其兵詣上

按漢與光武會清陽諸

將望見漢還士馬甚盛皆曰是寧肯分兵與人耶及漢至幕府上兵簿諸將人人多請之光武曰屬者恐不與

人今所請又何多也諸將皆慙補

漢祖具禮拜韓信

漢書韓信傳云王欲召信拜為大將

軍蕭何曰王素嫚無禮今拜大將如呼小兒此乃信所以去也王必欲拜之擇日齋戒設壇場具禮乃可王許

之諸將皆喜人人各自以為得大將至拜乃韓信也一軍皆驚補

軍內拜衛青

漢書衛青為車

騎將軍擊匈奴右賢王引兵至塞天子使使者持大將軍印於軍內拜青也

卧內拜曹爽

魏志

曹爽為武衛將軍明帝寢疾乃引爽入卧內拜大將軍假節鉞都督中外諸軍事錄尚書事受遺詔輔少主

衛青九卿皆拜

韓信一軍皆驚

漢書韓信傳見前

梁冀賜官

騎見前吳漢不離公門

漢書吳漢為大將軍為人質厚少文造次不能以自達鄧禹及諸將

多知之數相薦舉乃得召見遂見親信常居門下按范粵論曰吳漢自建武世常居上公之位終始倚愛之親諒由質簡而彊力也子曰剛毅木訥近仁斯豈漢之方手昔陳平智有餘以見疑周勃質朴忠而見信夫仁義不足以相懷則智者以有餘為疑而朴者以不足取信矣

補曹真恭以奉上

曹植輔臣論曰

智慮深奧淵然難測執節平敵中表條暢恭以
奉上謙以接下曹大將軍也按大將軍曹真也

北堂書鈔卷五十一

欽定四庫全書

北堂書鈔卷五十二

唐 虞世南 撰

明 陳禹謨 補註

設官部四

司徒

司空

太師

太傅

太保

附少師少保

開府儀同三司

特進

司徒

王者象地立司徒

晉百官表注司徒唐虞官也王者象地立司徒使掌教

司徒之

官以成德

家語注云徒象也以主民衆地官卿也掌邦教敷五典擾兆民是所以成德也

司

徒主吏

晉百官表注

司徒掌邦教

周禮大司徒職云乃立地官司徒使率其屬而掌邦

教以佐王安擾邦國司徒掌民事

後漢書百官志云司徒公一人掌民事凡教民孝悌遜順謙

儉養生送死之事則議其制建其度凡四方民事功課歲盡則奏其殿最而行賞罰凡郊祀之事掌省牲視濯

大喪則掌奉安梓官補

司徒主人

白虎通云徒衆也重民衆

郊祀之事省牲視

濯

養生送死則議其制

並後漢百官志見前

建國度其地

周禮大司

徒職云凡建邦國以土圭土其地而制其域鄭玄注云土其地猶言度其地

造都制其域

又云

以土宜之法辨十有二土之名物鄭注十二土分野十二邦上繫十二次各有所宜也

辨十有二

壤

又云辨十有二壤之物而知其種以教稼穡樹藝鄭注壤亦土也慶言耳以萬物自生則言土土猶吐也

以人所耕而樹藝則言壤壤和緩之貌

知九州之地域

又云以天下土地之圖周知九州之

地域鄭注

辨九等之地征

又云以土均之法辨五物九等制天下之地征鄭注均平

也五物五地之物也九等也五物五地之物也九等

以土會之法辨物生

又云以土會之

法辨五地之物生一曰山林二曰川澤三曰丘陵四曰墳衍五曰原

施教十有二

又云因此

五物者民之常而施十有二教焉一曰以祀禮教敬則民不苟二曰以陽禮教讓則民不爭三曰以陰禮教親則民不怨四曰以樂禮教和則民不乖五曰以儀辨等則民不越六曰以俗教安則民不偷七曰以刑教中則民不越八曰以誓教恤則民不怠九曰以度教節則民知足十曰以世事教能則民不失職十有一曰以賢制爵則民慎德十有二曰以庸制祿則民興功鄭注陽禮謂鄉射飲酒之禮也陰禮謂男女之禮婚姻以時則男不曠女不怨儀謂君南面臣北面父坐子伏之屬俗謂土地所生習也偷謂朝不謀夕恤謂安危相憂民有凶患憂之則民不懈怠度謂宮室車服之制世事謂士農工商之事少而習焉其心安焉因教以能不易其業慎德謂矜其善德勸**頒職十有二**又云頒職事十有二于為善也庸功也補**頒職十有二**邦國都鄙使以登萬民一曰稼穡二曰樹藝三曰作材四曰阜蕃五曰飭材六曰通材七曰化材八曰斂材九曰生材十曰學藝十有

一曰世事十有二曰服事鄭注稼穡謂三農生九穀也
樹藝謂園圃毓草木作材謂虞衡作山澤之材阜蕃謂
蕞牧養蕃鳥獸飭材謂百工飭化八材通材謂商賈阜
通貨賄化材謂嬪婦化治絲枲斂材謂臣妾聚斂疏材
生材謂間民無常職轉移執事學藝謂學道藝世事謂
以世事教能則民不失職服事謂為公家服事者玄謂
生材養竹木者補

敷五教

明七教

敷五典擾兆民

以八

刑糾萬民

周禮大司徒職云以鄉八刑糾萬民一曰不

不弟之刑五曰不任之刑六曰不恤之刑七曰造言之刑八曰亂民之刑齊八政以防淫

修六禮以節性 以五禮防民僞

周禮大司徒職云以五禮防萬民之僞而

教之以六樂防民情

又云以六樂防萬民之情而教之和以本俗安民

又云

以本俗六安萬民一曰媿宮室二曰族墳墓三曰聯兄弟四曰聯師儒五曰聯朋友六曰同衣服補按註媿音

美美善也謂約柵攻堅風雨攸除附以保息養民又云以保息六養萬民一曰慈幼二曰養老三

曰振窮四曰恤貧五曰寬疾六曰安富 教民孝悌見前示民軌儀晉起居注云武帝太

始六年詔曰昔舜命九官契司理人倫古今通語云訓五教所以崇王化示民軌儀也

風行俗平萬國咸寧者謂之司徒 統人倫晉書荀組傳帝欲以組為司徒問太常賀循循曰組舊望

清重忠勤顯著遷訓五品實允衆望 按組弱冠太尉王衍見而稱之曰夷雅有才識于時天下已亂組兄弟

貴盛懼不容于世雖居大官並諷議而已 用理蕃維崔駰司徒箴曰乃立司徒亂茲黎蒸茫茫庶域

率土初初人具爾瞻四方是維無曰余智忘于爾輔無曰余聖以忽執政匪用其良乃荒厥命庶績不怡疚于

爾祿豐有折肱而鼎覆其銖書歌股肱詩刺南
山尹氏不堪國度斯憊徒臣司衆敢告執藩補總論人

物

王隱晉書何曾字穎考以太保領司徒曰舊宰相之職自古及今總論人物訓治本也按劉毅等數劾奏

曾侈汰無度帝以其重臣一無所問都官從事劉享嘗
奏曾華侈以銅鈎跋紉車瑩牛蹄角後曾辟享為掾或
勸勿應享謂至公之體不以私憾遂應辟曾常因小事
加享杖罰其外寬內忌亦此類也時司空賈充權擬人
主曾卑充而附之及充與庾純因酒相競
曾議黨充而抑純以此為正直所非補

養老恤孤崇

德黜惡

戴育庶物安撫萬民

晉百官表注司徒掌邦教云

百姓不

親則責司徒

萬民飢寒則飭司徒

大戴禮曰財物不蕃萬民飢寒風俗

注僻百姓荒亡人民散敗也則飭司徒

思訓五品以康四海

晉起居注武帝太始六年詔

曰朕承洪業昧于大道司訓五品以康四海侍中司空荀顛明允篤誠思心通達翼亮先王遂輔朕躬其以顛

為司**宜贊三事以敷五教**王隱晉書山濤以左僕射為司徒詔曰濤道高德茂器宇

淵濟宜贊三事以敷五教也按濤初布衣家貧謂妻韓氏曰忍飢寒我後當作三公但不知卿堪作夫人不

耳及居榮貴貞慎儉約雖爵同十乘而無嬪媵祿賜秩散之親故補**國人美德**詩序緇衣美武

公也父子為周司徒善于其職國人宜之故美其德**黃帝得祝融**管子云昔者黃帝得祝融辨南

方故使**王命君牙**論語摘輔象云子夏為司徒**顏淵為司徒**曰仲尼為素王顏淵

為司**鄧禹作司徒**漢書鄧禹傳制詔曰前將軍鄧禹深執忠孝與朕謀謨帷幄決勝千里孔

子曰自吾有回門人日親斬將破軍平定山西功效尤著百姓不親五品不訓汝作司徒按禹內文明篤行淳

備事母至孝天下既定常欲遠名勢有子十三人各使守一藝修整閨門教養子孫皆可以為後世法資用國

邑不修產利帝益重之補史記曰顏回死憂念王室

孔子哭之慟曰自吾有回門人益親附

云袁安為司徒每朝會憂念王室未嘗不流涕也

稽首三讓蔡邕鍾鼎銘序曰惟建寧四年三月

進公登于玉堂前庭乃制詔曰其以司空數陳得失

橋玄為司徒公拜稽首三讓然後受命

漢書魯恭拜司徒數有忠言陳正得失深陳本務晉書恭在位選辟高第至列卿郡守數十人

為司徒苞深陳農桑本務明篤行純備漢書鄧禹見前德實充其考課居位五年天下稱之

塞曹植輔臣論德充塞于內智彌綸于外解威重德望釋剖散槃結者王司徒也按王司徒朗也

晉書魏舒傳云山濤薨以舒領司徒有頃即真奉公無舒有威重德望祿賜散之九族家無餘財

私袁山松漢書侯霸拜大司徒清廉公正東觀云郭丹為司徒在朝

清廉公正魏志華歆為司徒祿賜以祿賜散九

族晉書魏舒見前劉寵卧布被謝承後漢書劉寵為司徒卧麤布被王良妻布衣後漢

書王良為司徒在位恭儉妻子不入官舍布被瓦器時

司徒史鮑恢以事到東海過候其家而良妻布裙徒跣

曳柴田中歸恢告曰我司徒史也故來受書欲見夫人

妻曰妾是也苦祿無書恢乃下拜歎息而還聞者莫不

嘉之補按注祿即謂鮑恢司徒之鄧禹常遠名勢漢書鄧禹

見王戎委任責成王隱晉書云王戎代王渾為司徒高選長史西曹掾委任責成華歆

國之雋老魏志華歆傳云文帝即位以歆為司徒下詔曰司徒國之雋老所與和陰陽理庶事也今

太官重膳而司徒蔬食甚無謂也特賜御衣及為其妻子男女皆作衣服補韓暨老而益劬又景初二年詔曰韓暨澡身浴德志節高潔年踰八十守道彌固可謂純篤老而益劬者也其以暨為司徒

司空

唐虞之官金印紫綬

漢百官公卿表云司空唐虞官也金印紫綬

御天下者

以六官司空之官以成禮

家語注云司空事官也禮非事不立故曰所以成禮補

祿比丞相

漢書曰御史大夫秦官副丞相成帝綏和九年更名大司空祿比丞相補

俸同司

徒

晉百官表注

司空使法錯刑清事均民聚

古今通語

司空度地

居民興事任力

掌邦事

平水土

掌邦土

別五

土家語云孔子初仕為中都宰二年定公以為司空決

九川典畧曰禹為司空披九山通九澤制五服揚雄司

惟是職烈烈雋又翼翼王臣臣當其官官當其人九一

之政七賦營城郭建都邑冬官考工記鄭注云司空掌

造宮室車服器械監百上和乾光漢官解故云下理川

也空下率世俗典畧云今司空缺疑求能臣李通以識記

華嶠漢書李通以識王梁作玄武後漢王梁傳世祖即

主衛作玄武玄武水神司空先王尚德眡李為司空左

水土之官遂擢梁為大司空

衛使祝佗私干萇弘曰以先王觀之則尚德也昔武王克商成王定之選建明德以藩屏周武王之母弟八人

周公為太宰康叔為司寇附季仲尼素王子路為司空為司空五叔無官豈尚年哉

論語摘輔象云仲尼素王以朱博數月起司空漢書朱博為京

北尹數月起為大司空按是時御史府吏舍百餘區井水皆竭又其府中列柏樹常有野鳥數千棲宿其上

晨去暮來號曰朝夕烏烏去不來者數月長老異之後二歲餘朱博為大司空奏言以為大司空官可罷復置

御史大夫遵奉舊制臣願盡力以補荀爽百日至司空漢書

荀爽固辭徵聘不得已乃行起家百日至司空按荀氏家傳云董卓徵公公到府三日策拜司空起岩穴九

十五日而為台司世徐邈固辭不受魏志徐邈拜司空歎曰三公論道之

官無其人則缺豈可以老病忝之哉遂固辭不受

陸玩謙讓不辟

晉書陸玩為司空給羽林

四十人玩既拜有人詣之索盃酒瀉置柱梁之間呪曰當今乏材以爾為柱石莫傾人梁棟耶玩笑曰戲卿良

歲既而歎息謂賓客曰以我為三公是天下為無人談者以為知言玩雖登公輔謙讓不辟掾屬成帝聞而勸

之玩不得已而從命所辟皆寒素有行之士玩翼亮累世常以弘重為人主所貴加性通雅不以名位格物誘

納後進謙若布衣由是縉紳之徒莫不蔭其德宇補

伏恭儒者榮之

華嶠漢書帝臨辟雍伏恭為

司空儒者以為榮也

陳寵論者大之華嶠漢書陳寵為司空通容以明無所不受論者大之寵

奏議溫粹有智號為明相也

裴秀定官制

王隱晉書云魏咸熙初羣革憲司時荀顛定禮儀賈

充正法律裴秀改官制焉按秀為司空作禹貢地域圖事成奏上藏於祕府為世名公

荀顛定禮

儀上張純務無違

東觀記云張純為大司空務於無違

任隗以玄默

袁山崧漢

書任隗為司空以玄默守真不求名譽義行內修人以此服之

陳羣至德純粹

曹植輔臣論曰

至德純粹進吐善謀者陳司空也按陳司空陳羣也

荀顛德望清重

荀氏家傳曰顛為司空德

望清重年者多疾不數朝見詔使侍中任愷詰問政化所宜行否補按顛明三禮知朝廷大儀而無質直之操惟阿意苟合於荀勗賈充之間初皇太子將納妃顛上言賈充女姿德淑茂可以參選以此獲譏於世附

弘秉政恭約

袁山崧漢書宋弘為司空秉政恭約輕財重義有公儀子之風不與民爭利

鄭

袁守道沖粹

晉起居注武帝詔曰鄭袁履行純正守道沖粹退有清和之風進有素絲之節宜登

三階之曜補袞職之闕其以袁為司空按袁前後辭讓至於十數謂坦曰魏以徐景山為司空吾時為侍中

受詔譬旨徐公語吾曰三公當上應天心苟非其人實傷和氣不敢以垂死之年累辱朝廷也終于不就遵大雅君子之跡補奉公不撓東觀記云第五倫為司空奉公可不務乎不撓言議果決無所依違也

當朝正色

陶氏家傳陶敦

性疾朋黨

漢書何武為司空性疾朋黨問文吏必於儒者問儒

者必於文吏以相參檢除吏先為科例以防請托其所居無赫赫名去後常見思補

數犯嚴諫

東觀記云任隗拜司空永平初外戚秉權朝臣莫敢抗者唯隗與袁安同心畢力云

何武號為

煩碎

漢書云何武為司空多所舉奏號為煩碎不稱賢公後哀帝策免武曰舉措煩苛不合衆心其上大

司空陳羣譏其拱默

魏志陳羣為司空前後數密陳得印綬失每上封事輒削其草時人及其

子弟莫能知也論者或譏羣居位拱默正始中詔撰羣臣上書以為名臣奏議朝士乃見羣諫事皆歎息焉

彭宣疾病乞歸

漢彭宣為司空王莽專權宣乃上書乞骸骨歸鄉里得見親故不填溝壑

王

朗稱疾讓位

魏志文帝踐祚王朗為司空黃初中朗薦光祿大夫楊彪且稱疾讓位於彪帝乃為

彪置吏卒位次三公詔曰朕求賢于君而未得君乃翻然稱疾非徒不得賢更開失賢之路增玉鉉之傾無乃

居其室出其言不善見違於君子乎君其勿有後辭朗乃起補乞上印綬東觀漢記朗為

自乞上印綬

自陳老疾

後漢書第五倫肅宗初立擢自遠郡代牟融為司空倫在位奉

公盡節言事無所依違吏人奏記及便宜者亦並封上其無私若此以老病上疏乞身以二千石俸終身按

倫奉公盡節言事無所依違諸子或時諫止輒叱遣之吏人奏記及便宜者亦并封上其無私若此性質慤少

文采在位以貞白稱時人方之前朝貢禹然少蘊藉不修威儀亦以此見輕後以老病上疏乞身補坐免

太守

東觀云馮撲為司空坐免隲西太守鄧融

坐賣國恩

東觀朱浮為大司空賣國恩以為威

福

水害責之

尚書大傳云水為民害則責司空

地震免之

魯國先賢傳孔氏仲淵為

司空以地震免

太師

太師古官金印紫綬

漢百官表云太師古官也平帝元始年初置金印紫綬位在太傅

上先聖之德太師之任也

大戴禮云天子不論先聖王之德不知國君畜民之道不

見禮義之正不察應事之理不博古今之典傳不閑於威儀之數詩書禮樂無經學業不法凡此其屬太師之

任也天子所師 天子是毗

訓導帝躬

應劭漢官儀云平帝元始元年

孔光以太師見授太后詔曰太師先聖尊為太師史記云周

之後道術通明宜居四輔職訓導帝躬文王得呂尚於碓溪以為師謂之太公武惟國之重應

王嗣位號曰師尚父成王即政尊為太師漢官儀曰孝平皇帝元始元年太后詔曰太師光今年

老有疾俊又大臣惟國之重書曰無遺老成國之將興尊師重傳其令太師無朝十日一賜餐賜以靈壽杖孔

黃門令為太師於省中施坐置几太師入省杖焉光德行醇淑應幼漢官儀孝平皇帝元始元年太趙典

篤學博聞續漢書百官志趙典篤學博聞宜備國師

太傅

太傅古官漢百官表云太傅古金印紫綬又云高后元

官也位在三公上年初用王陵十

金印紫綬服進賢冠佩山玄玉晉百官表注位在三公上又云太傅古官

也光武徵故密令卓茂為之位在三公之上與三公絕席續漢書張禹拜太傅錄尚書事劉蒼

以殤帝初育欲令重臣居禁內乃詔禹舍宮中給帷帳林褥太官朝夕進食五日一歸府每朝見特贊與三公

絕席補按禹上言方諒闇密靜之時不宜依常有事於苑園其廣成上林空地宜且以假貧民后從之天

子不厚於德太傅之任也大戴禮云天子無恩於父母不惠於庶民無禮於大臣不

中於制獄無經於百官不哀於喪不敬於祭不信於諸侯不誠於戎事不誠於賞罰不厚於德不強於行賜與

侈於近臣憐愛於疏遠卑賤不能懲忿室尚傅相天子尚

傅孔氏傳之德義大戴禮云云坐而議政漢書百官公卿表太傅周公也蓋奉天

子坐而議政
無所不說

掌以善導

續漢書百官志云太傅上公一人掌以善導無常職世祖以卓

茂為太傅薨因省其後每帝初即位輒置太傅錄尚書事薨輒省

阿保不傾

曹植輔臣論云蓋精

微聽察理折毫分規矩可則阿保不傾羣言系於口而研撫是非典誥總乎心而唯所用之者鍾太傅也宗

國用寧

王保庶太傅箴云保傅之賢明宗國用寧輔佐之不忠禍及於躬無曰父子無間乃有潘崇無

曰父子無二或容江充志不可解思不常恃一藥不嘗罪歸許止一時不侍惡延宗子

成王即位

周公為太傅

史記周本紀成王即位周公畢公並為太傅

高祖初置以王陵

為之前鄧禹元功之首

應劭漢官儀明帝策書曰高密侯鄧禹元功之首其以禹為太

傳

鄧彪元功之族

後漢和帝策鄧彪詔曰元功之族三讓彌高可令為太傅錄尚書事

世在位爲國元老

東觀章帝詔曰行太尉事趙熹三世在位爲國元老其以熹爲太傅時年

八十繼母在堂言不稱老附按熹少有節操從兄爲人所殺無子熹年十五常思報之乃挾兵結客後遂往復仇而仇家皆疾病無相距者熹以因疾報殺非仁者心且釋之而去顧謂仇曰爾曹若健遠相避也後病愈悉自縛詣熹熹不與相見後竟殺之會爲赤眉兵所圍迫急乃踰屋亡走攜小弱越山阻徑出武關仲伯以婦色美慮有強暴者因以泥塗仲伯婦面載以鹿車身自推之每道逢賊或欲逼畧熹輒言其病狀以此得免後世祖延集內戚諸夫人各各前言趙熹篤義多恩往遭赤眉出長安皆爲熹所濟活帝甚嘉之後徵熹入爲太僕引見謂曰卿非但爲英雄所保也婦人亦懷卿之恩厚加賞賜諸子爲郎吏者七人補

黃髮罔愆

應劭漢官儀漢帝策曰張禹三世在位黃髮罔愆忠孝彌篤其以禹爲太傅

子康執節淳固

應劭漢官儀云世祖策書曰前密令卓茂束身自修執節淳固誠能為人所不能為夫名冠天下當受天下重賞今以茂為太傅按東觀漢記曰茂為人恬蕩樂道雅實不為華貌行已在於清濁之間自束髮至白首與人未嘗有爭競補伯始明解朝章華嶠漢書胡伯始為太傅年八十四練達事體明解朝章雖無謬直之風屢有補闕之益故京師語曰萬事不理問伯始始天下中庸有胡公

太保

附少師少傅少保

太保古官

應劭漢官儀曰太保古官保養也

金印紫綬

漢書百官表云平帝元始元年

初天子處位不端太保之任也

大戴禮云天子處位不端受業不敬言語不序

聲音不中律進退節度無禮升降揖遜無容周旋俯仰視瞻無儀安顧咳唾趨行不得凡此其屬太保之任也

保安天子

尚書孔傳

掌諫王惡

周禮保氏職云掌諫王惡而養國子以道乃教之六藝鄭

注諫者以禮義正之也

周成王時召公爲之

漢平帝初用王舜

東觀元始元年拜王舜爲太保

按元后傳成帝即位詔曰侍中太僕安陽侯舜往時護太子家導朕忠誠專

壹有舊恩其益封舜五百戶補又平帝紀云元壽二年

哀帝崩秋七月遣車騎將軍王舜使持節迎中山王附

衛瓘明允篤誠

晉起居注云太保衛瓘明允篤誠有匪躬之志其給千兵騎百人

貳公

弘化寅亮天地

天子宴瞻其學少師之任也

大戴禮云天子

宴瞻其學左右之習反其師答遠方諸侯不知文雅之辭應羣臣左右不知已諾之正簡聞小誦不傳不習凡

此其屬少師之任也補

天子居處不以禮少傅之任也

又云天子居處出入

不以禮冠帶衣服不以制御器在側不以度縱上下雜
采不以章忿怒說喜不以義賦與集讓不以節凡此其
屬少傅天子宴私安如易少保之任也又云天子宴私
飲酒而醉食肉而餒飽而強飢而憊暑而喝寒而嗽寢
而莫宥坐而莫侍行而莫先莫後天子自為開門戶取
玩好自執器皿亟顧環面御器之不舉不藏凡此其
屬少保之任也按注餒過其性也憊貪踐也補

開府

儀同三司

東觀漢記云鄧騭延平元年拜為車騎將
軍儀同三司有開府之號始自鄧騭也班

同三事

又云章帝建初三年馬防為車騎將軍班同三
事實憲以特進禮見依三公並未開封呂布以

奮武將軍

置舍人

王隱晉書鄭袤以侯就第拜儀同三
司置舍人官騎賜牀帳簟褥錢五十

萬給親信

王隱晉書元康元年詔曰中書監張華歷代心腹朕所憑賴酬其勲績使儀同三司給親信

滿百人

羊祜以車騎開封

王隱晉書云太始八年詔使持節都督荊州諸軍衛尉將軍羊祜

歷位文武有佐命之勲其以祜為車騎開府如三司之儀

張華虛沖挹損

王隱晉書惠帝元年詔

曰中書監光祿大夫張華虛沖挹損難為高尚其以華為光祿大夫儀同三司按華本傳云華以誅璋首謀

有功拜右光祿大夫開府儀同三司侍中中書監金章紫綬固辭開府補初賈謐與后共謀以華庶族儒雅有

籌畧進無逼上之嫌退為衆望所依欲倚以朝綱訪以政事疑而未決以問裴頠頠素重華深贊其事華遂盡

忠匡輔彌縫補闕雖當閭主虐后之朝而海內晏然華之功也附

王戎清虛履道

王隱晉書惠

帝元康元年詔曰尚書僕射光祿大夫王戎清虛履道謀猷沖遠敬歷外任宣力四方入掌機衡文才允敘將

澄清風俗顯一羣望宜崇其職乃可贊成王化其以光
祿大夫開府儀同三司 按戎本傳云戎以晉室方亂
慕蘧伯玉之為人與時舒卷無蹇諤之節自經典選未
嘗進寒素退虛名但與時浮沈戶調門選而已尋拜司
徒雖位總鼎司而委事寮案間乘小馬從便門而出游
見者不知其三公也故吏多至大官道路相遇輒避之
性好興利廣收八方園田水碓周徧天下積實聚錢不
知紀極每自執牙籌晝夜算計恒若不足而又儉嗇不
自奉養天下人謂
之膏肓之疾補

特進

漢官制品第一

漢書百官公卿表
特進官品第一

晉執璧繼公

傅咸集
云特進

品第一初執皮帛生傳臣
功德優盛賜位特進

漢雜事
云諸侯

功德優盛朝廷所敬異者賜位特進在三公下

皆以特進加崇諸侯

晉公卿禮秩漢制皆

以特進加崇諸侯

見禮如三公

漢書諸侯王位以特進給事中朝朔望見禮如三公

舉吏

如五府

後漢永光三年以太尉賈

賜安車

漢書張禹傳云鴻嘉元年

禹以老病乞骸骨上加優再三乃聽許賜安車馬黃金百斤罷就第以列侯朝朔望位特進見禮如丞相置從事史五人益封四百戶補按禹為人謹厚內殖貨財家以田為業及富貴多買田至四百頃皆涇渭溉灌極膏腴上賈它財物稱是禹性習知音聲

給吏卒

王隱晉書云羊

琇拜特進加散騎常侍給吏卒服馬將軍朝士畢賀皆連榻而坐琇與裴楷後至曰杜元凱乃復以連榻而坐客耶遂不坐而去琇性豪侈費用無復齊限而屑炭和作獸形以温酒洛下豪貴咸競效之

又喜遊讌以夜續畫中外五親無男女之別時人譏之
放恣犯法每為有司所貸其後司隸校尉劉毅劾之應

至重刑武帝以舊鄧禹罷三公位特進東觀記云建武
中鄧禹罷三公

以列侯就第位特進按禹拜右將軍其後左右將軍
罷以特進奉朝請補續漢志曰前後左右將軍皆主征

伐事訖皆罷附毛嘉以列侯特進魏志后父毛嘉封博平鄉侯
後又加位特進補按嘉本典

虞車工卒暴富貴明帝令朝臣會其家飲宴其容
止舉動甚蚩駭語輒自謂侯身時人以為笑附曹洪

以驃騎特進魏志曹洪為驃騎將軍進封野王侯益邑
二千一百戶位特進按洪家富而性吝

嗇文帝少時假求不稱常恨之遂以舍客犯法下獄當
死羣臣並救莫能得卞太后謂郭后曰令曹洪今日死

吾明日勅帝廢后矣於是泣涕屢請乃得免官削爵土
補又魏畧曰洪既得原喜上書謝曰臣少不由道過在

人倫長竊非任遂蒙含貸性無檢度知足之分而有豺
狼無厭之質老悖倍貪觸突國網罪迫三千不在赦宥
當就辜誅棄諸朝市猶蒙天恩骨肉更生臣仰視天日
愧負神靈俯惟愆闕慙愧怖悸不能雉經以自我割謹
塗顏闕門拜
章陳情附

北堂書鈔卷五十二

欽定四庫全書

北堂書鈔卷五十三

唐 虞世南 撰

明 陳禹謨 補註

設官部五

御史大夫

諸卿總

太常

宗正

光祿勳

廷尉

御史大夫

御史大夫宰相之副

漢書朱雲傳元帝時琅邪貢禹為御史大夫而華陰守丞嘉上封事

言治道在於得賢御史大夫宰相之副九卿之右不可不選平陵朱雲兼資文武忠正智畧可使以六百石秩

試守御史大夫以盡其能

按師

銀印青綬佩水蒼玉

古曰守華陰縣丞者其人名嘉

補

銀印青綬佩水蒼玉

漢書百官公卿表云御史大夫秦官位上

上卿見九卿

卿銀印青綬掌副丞相有兩丞秩千石

之右

漢書朱雲傳見前

位次丞相

漢書朱博傳博為大司空奏言高皇帝置御史大夫位次

丞相掌副丞相

漢百官公卿表見前

趙堯奇才代位

史記周昌傳云趙堯年少為符

璽御史趙人方與公謂御史大夫周昌曰君之史趙堯年雖少然奇才也是且代君之位及昌相趙高祖持御

史大夫印弄之曰誰可以為御史大夫者熟視趙堯曰無以易堯遂拜之張歐長者處官

漢書

張歐傳武帝元朔中代韓安國為御史大夫歐為吏未嘗言按人劾以誠長者處官官屬以為長者亦不敢大

欺師古注曰劾與專同又音之究反附張蒼明習計籍漢書張蒼傳蒼秦時為柱下史明習

天下圖書計籍又善用筭律歷故令蒼延年治甚有名

漢書杜延年字幼公周之子也明法律為西河太守治甚有名五鳳中徵入為御史大夫延年居父官府不敢

當舊位坐卧周昌直言蕭曹皆卑之漢書周昌為御史大夫昌為人強力

敢直言自蕭曹等皆卑之昌嘗燕入奏事高帝方擁戚姬昌還走高帝逐得騎昌項問曰我何如主也昌仰曰

陛下即桀紂之主也張湯奏事丞相充位而已漢書張湯為御

史大夫每朝奏事語國家用日盱天子忘食丞相取充位師古注曰盱晚也論事既多至於日晚盱音幹補

按是時天下事皆決湯百姓不安其生騷動縣官所興未獲其利姦吏並侵漁於是痛繩以舉自公卿以下至

于庶人咸指湯附公孫弘罷滄海漢書公孫弘為御史大夫時東置滄海北築朔方之郡弘

數諫以為罷敞中國以魏相奏副封漢雜事云故事諸奉無用之地願罷之

署其一曰副領尚書者先發一副封有不善屏去不奏魏相為御史大夫奏去副封以防壅蔽長卿直

言諫爭漢書薛廣德遷御史大夫廣德為人溫雅有醜藉及為三公直言諫諍少翁數言

得失漢書貢禹為御史大夫列于三公自禹在位數言得失書數十上諸侯皆疾鼂錯

漢書鼂錯遷御史大夫請諸侯之罪過削其支郡奏上上令公卿列侯宗室雜議莫敢難獨竇嬰爭之繇此與

錯有隙諸侯皆疾錯也

羣臣多附安國

漢書韓安國為御史大夫匈奴來請和親安國曰千

里而戰即兵不獲利得其地不足為廣有其象不足為彊不如和親羣臣多附安國議上許和也

兒寬

無所匡諫

漢書兒寬為御史大夫以稱意任職故久無所匡諫於上官屬易之

卜式不習

文章

漢書卜式為御史大夫式既在位言郡國不便鹽鐵而船有筭可罷上由是不悅式明年當封禪式

不習文章貶秩為太子太傅以兒寬代之張歐請免以為上大夫

漢書張歐為御史大

夫上具獄事有可却却之不可者不得已為涕泣面而封之其愛人如此老篤請免天子寵以上大夫祿歸老

于卜式貶秩為太子太傅

漢書卜式見前

諸卿總

法河海

春秋漢含萼云三公象五嶽九卿法河海二十七大夫法山陵

枯河海

謝承漢書李淑

諫吏始曰夫三公上應台宿九卿下括河海

不失四時

說苑云九卿者不失四時通於溝渠修隄

防樹五穀通于地理者也能通不能通能利不能利如此者舉以為九卿故九卿之事常在於德也補

萬

國慶賴

釋名云卿慶也言萬國皆慶賴也

章善明理

白虎通云卿之為言彰也彰善名治

也背邪向正

應劭漢官儀云卿彰也明也言當背邪向正彰有道德

以倡九牧阜

成兆民通不通利不利

說苑見上

參三公

帝王世紀曰九卿者所以參三

公也按說苑湯問伊尹曰古者所以立三公九卿大夫列士者何也伊尹對曰三公者所以參五事也九卿

者所以參三公也大夫者所以參九卿也列士者所以參大夫也故參而有參是以事宗事宗不失內外若一

補位九棘周禮朝士職云朝士掌建邦外朝之法左九棘孤卿大夫位焉鄭注云樹棘以為位者取

其赤心而外刺象以赤心三刺也 掌建邦治以考事典經綸國體以考

留獄王昴課事云卿考課一曰掌見邦國制治二曰九卿時序以考事典三曰經綸國體以考奏議四曰

共屬衆職以考總攝五曰明慎用刑以考留獄也 六卿分職 六卿分掌韋昭

名六卿分掌諸官卿韋昭辨釋名云漢正九孤不掌傑然特立也 漢正九卿韋昭辨釋名云漢正九

勳三曰衛尉四曰太僕五曰廷尉六曰鴻臚七曰宗正八曰司農九曰少傅 漢置十二劉熙

漢十二卿一曰太常二曰太傅三曰太僕四曰光祿勳五曰宗正六曰執金吾七曰大司農八曰少府

九曰大鴻臚十曰廷尉十一曰大長秋十二曰將作大匠 賤不臨貴以為上卿說苑云齊

桓公使管仲治國管仲對曰賤不能臨貴桓公以為上
卿而國不治桓公曰何故管仲對曰貧不能使富桓公
賜之齊國市之一年而國不治桓公曰何故對曰疏不
能制親桓公立以為仲父齊國大安而遂霸天下孔
子曰管仲之賢不得此三權力者亦不能使其君南面而
霸矣補知其君子以為上卿

說苑云秦繆公見百里奚牛肥問對曰臣飲食以時使
之不以暴有險先後之以身是以肥也繆公知其君子
以為上卿虞卿再說古史考云虞卿躡蹠擔簦說趙孝成
王一說贈金百鎰再說以為上卿司

馬安四至漢書汲黯姊子司馬安亦少與黯為
太子洗馬安文深巧善宦四至九卿

太常

舜咨秩宗

應劭漢官儀云古官也舜典帝曰咨伯汝作
秩宗百官公卿表云太常古官云伯夷也

秦曰奉常

漢百官公卿表云奉常秦官掌宗廟禮儀有丞景帝中六年更名太常補按師古曰太常

王者旌旗也畫日月焉王有大事則建以行禮官主奉持之故曰奉常也後改曰太常尊大之義也附翼

翼太常實為宗伯

揚雄太常箴曰翼翼太常實為宗伯穆穆靈祇寢廟奕奕稱秩元祀班于

羣神我祀既祇我粢孔蠲匪愆匪忒君子攸宜無曰我材輕身恃巫東鄰之犧牛不如西鄰之麥魚秦殞望夷

宗敢告執書補

治五禮

周禮春官敘云乃立春官宗伯使帥其屬而掌邦五禮鄭

謂五禮吉凶

典三禮

應劭曰常典也常典三禮也書云伯汝常存故稱常以列侯為之重

宗廟也

按百官公卿表注曰

掌天神地祇

周禮春官宗伯之職

掌建邦之天神人鬼地示之禮以佐王建保邦國鄭注建立也立天神地祇人鬼之禮者謂祀之祭之享之禮

吉禮是也保安也所以佐王立安邦國者主吉凶軍賓嘉禮也

掌社稷郊時

漢官解詁曰太常掌

社稷郊時事重職

掌宗廟

漢百官公卿表見上

太常典天地

晉中興書

康帝建元元年詔云太常職典天地兼掌宗廟其為任可謂重矣是以古今選建未嘗不妙簡時望兼收儒雅

會稽王淑履尚清虛志道無倦優游諷議朕所詔仰其以王領太常本官如故補按萬卷菁華云前漢武帝本

紀合璧云漢武**掌祭祀**續漢書百官志云太常掌禮儀祭祀及行事贊天子大射養老

帝制俱誤附**立郊廟**續漢書百官志見上**掌禮儀**續漢書百官志**主引贊**續漢書百官志

大喪皆奏其禮儀也云太常主引贊助**治神人和上下**周禮**統百官諧萬民**禮

祭皆平冕七旒也**助祭平冕七旒**周禮**太宰職**云三曰禮典以和邦國以統百官以諧萬民鄭注云禮典宗伯之職也

續漢書官

志云見上行陵幸車千乘魏志王朗傳曰西京太常行

高才博雅而性嚴

整慷慨多威儀

補定儀法

史記叔孫通傳云惠帝即位乃謂通曰先帝園陵寢廟羣

臣莫習徙通為奉常定宗廟儀法及稍定漢諸儀法皆通所論著也按孝惠帝曾春出游離宮叔孫生曰古

者有春嘗果方今櫻桃熟可獻願陛下出因

取櫻桃獻宗廟上乃許之諸果獻由此興附言禮樂續

書張奮拜太常上疏曰漢當改作禮樂圖書著明王者

治定制禮功成作樂謹條禮樂異議三事願下有司以

時考

定常引正大義

華嶠後漢書劉愷為太常論議常引正大義諸儒為之語曰難經伉伉劉

太設職官科限

續漢書張奐拜太常卿設職官科限素有清節當可否之間強禦不可奪也

韓暨多所匡正

魏志韓暨遷太常時新都洛陽制度未備而宗廟主祔皆在鄴都暨奏請迎鄴

四廟神主建立洛陽廟四時蒸嘗親奉棗盛崇明正禮廢去淫祀多所匡正補按祜音石春秋傳曰命我先人

典司宗祏注曰宗廟所以藏主石室者附虞松考正舊儀晉起居注元康六年以後不常親郊

社制度廢弛太常虞松考正舊儀無不悉備賀循議兄弟不為後晉中興書云賀循拜

太常時宗廟始建舊儀多闕或以惠懷二帝應各為世則潁川世數過七宜在迭毀事下太常循議以為禮兄

弟不相為後不得以承代為世蔡謨奏宜臨軒作樂晉中興書曰濟陽蔡謨拜太常咸寧

四年臨軒門下奏非祭祀燕饗則無設樂謨奏宜有金石顯宗納焉臨軒作樂自此始也按謨博學於禮儀

宗廟制度多所議定文筆論議有集行于世杜業數言總應劭以來注班固漢書者為之集解補

得失漢書杜業有才能選為太常數周澤數有直言
言得失不事權貴按今本不載東觀

漢記云周澤少修高節耿介特立拜太常果敢直言數有據爭朝廷嘉其清廉官屬稱有恩書

杜有陵為太常治諸陵縣官屬稱具有恩按今本不載朝野歎淵學晉中興書云賀循拜太常

與刁協同議先朝四事朝野咸歎循之淵學按晉書尚書僕射刁協與循異議循答義深備竟從循議焉朝

廷疑滯皆諮之于循循輒依經禮而對為當世儒宗其後帝以循清貧下令曰循冰清玉潔行為俗表位處上

卿而居身服物蓋周形而已屋室財庇風雨孤近造其廬以為慨然其賜六尺牀薦席褥并錢二十萬以表至

德暢孤桓榮東面几杖天子親自執經後漢書桓榮傳意焉補

以師禮甚見親重帝乘輿常幸太常府令榮坐東面設几杖天子親自執業既罷悉以大官供具賜太常家其

恩禮若此王祥南面几杖帝北面乞言晉書王祥拜太常天

子幸太學命祥為三

老祥南面几杖以師道自居天子北面乞言祥陳
明王聖主君臣政化之要以訓之聞者莫不砥厲柔而

能整

晉書鄭默遷太常山濤欲舉一親故為博士謂默曰卿似尹翁歸令吾不敢復言默為人敦重柔而

能整皆此類也 儒素有學

山公啓事云彭稚儒素有學宜太常選

趙典布被瓦器

益部者舊傳趙典為太常

和洽賣田自給

魏志和洽為太常清貧守

雖身處上卿而布被瓦器

病不任行

續漢書張奐以大司農轉太常云云 按奐為

約至賣田宅以自給 明帝聞之加賜穀帛 太常與尚書劉翹刁猛衛良同薦王暢李膺可參三公

之選而曹節等彌疾其言遂下詔切責之奐等皆自囚

廷尉數日乃得出 並以三月俸贖罪 補

病不能從 晉書云鄧攸為太常時帝南郊攸病不能從車

道坐免 攸每有進退無喜愠之色久之遷尚書右僕射

補坐廟酒醉漢書公卿表任越人為太常坐廟酒醉論罰

坐宗廟事免魏志王肅

遷太常時大將軍曹爽專權任用何晏鄧颺等肅與太尉蔣濟司農桓範論及時政肅正色曰此輩即弘恭石顯之屬復稱說邪典聞之戒何晏等曰當共慎之公卿已比諸君前世惡人矣坐宗廟事免補以太廟

棟折免晉書張華為太常以太廟屋棟折免官補

宗正

宗正秦官職掌親屬

漢書百官公卿表云宗正秦官掌親屬有丞平帝元始四年更名宗

伯屬官有都司空令丞內官長丞又諸公主家令門尉皆屬焉王莽并其官於秩宗初內官屬少府中屬主爵後屬宗元始更名漢百官公卿表見上建安始置魏志建安二十一年始置宗正

之序王國適庶錄宗室名籍續漢書百官志宗正秩守中二千石掌序錄王國適

庶之次及諸宗室親屬遠近郡國歲計上宗室名籍若有犯法當髡以上先上諸宗正宗正以聞乃報決補

劉般夙夜不怠東觀漢記曰劉般遷宗正在朝竭忠盡節勤憂國事夙夜不怠數納嘉謀按

後漢書劉般為宗正在位數言政事其收恤九族行義尤著時人稱之補劉平仁孝著聞漢

劉平以仁孝著聞承平三年拜宗正數薦達名士承官郵恁等在位八年以老病上疏乞骸骨補

衛尉

掌宮門屯兵漢書百官公卿表云衛尉秦官掌宮門衛屯兵有丞景帝初更名中大夫令後元年

復為衛尉屬官有公車司馬衛士旅賁三令丞衛士三丞又諸屯衛候司馬二十二官皆屬焉長樂建章甘泉

衛尉皆掌其官職
畧同不常置補

掌宮門衛士

漢書百官公卿表見上

衛禁不時

拍梁詩云周衛
交戟禁不時

警夜巡晝

張衡西京賦云衛尉八屯警夜巡晝

典宿衛東觀

云趙嘉為衛尉性周密盡心事上內典宿衛夙夜匪懈思寵甚厚

奉宿衛

東觀漢記云實固為衛尉

奉兩宮宿衛仁厚恭謹甚有名稱

按後漢書云實固代馬防為衛尉固久歷大位甚見尊貴賞賜租祿貲累

巨億而性謙儉愛人
好施士以此稱之補

主宮闕內為廬垣下

漢官解詁曰衛尉主宮闕

之內衛士於垣下
為廬各有員部也

實固恭謹

見上

趙嘉周密東觀漢記趙嘉為衛尉以

周密獲寵
盡心事上

辛毗以清平聞

魏志辛毗為衛尉以清平聞與徐邀胡質皆憂國忘私不

營產業
曰竊聞諸葛亮講武治兵而孫權市馬遼東量其意指

按毗為衛尉帝方修殿舍百姓勞役毗上疏

似欲相左右備豫不虞古之善政而今者宮室大興加連年穀麥不收唯陛下為社稷計帝又欲平北邙令于其上作臺觀則見孟津毗諫曰天地之性高高下下今而反之既非其理加以損廢人功民不堪役且若九河盈溢洪水為害而丘陵皆夷將何以禦之帝乃止

趙孝篤行欲寵異之

華嶠漢書趙孝拜

長樂衛尉復徵弟禮為御史中丞禮亦恭謙行已類于孝帝嘉其兄弟篤行欲寵異之詔禮十日一就衛尉府大官送供具令共相對盡歡數年禮終帝令孝從官屬送喪歸葬後歲餘復以衛尉告歸按是時天下亂人相食孝弟禮為餓賊所得孝聞之即自縛詣賊曰禮久餓羸瘦不如孝肥飽賊大驚並放之可且歸更持米糒來孝求不能得復往報賊賊願就烹眾異之遂不害卿黨服其義補

馬光周密特親愛之

後漢書馬光為衛尉小心周密喪母過哀帝以是特親愛之

光祿勳

掌門戶

漢書百官公卿表云郎中令秦官掌宮殿掖門戶武帝太初元年更名光祿勳總領從

官

柏梁詩光祿勳曰總領從官柏梁臺也

宿衛宮省

東觀漢記防為光祿勳云云按防數言政

事多見採用是時始施行十月二月迎氣樂防所上也

居守京師

續漢書李通字次元為光祿勳

帝每征討四方常令通居守京師鎮撫百姓修宮室起學官

經兆宮室限以禁界

揚雄

光祿箴云經兆宮室畫為中外廊殿門闥限以禁界國有周衛民有籬籬各有攸保守以不岐昔在夏殷桀紂淫酒特牛之飲門戶荒亂郎雖執戟謁者參差殿中成市或鼓或鞞忘其廊廟而聚夫通逃四布多罪載號載呶內不可不省外不可不清德人立內則宿衛外總三

朝議士充庭祿臣司光敢告執經補

署

續漢書杜林為光祿勳內則宿衛外總三署周密時敬慎選舉稱平郎有好學者輒見誘進朝夕滿堂

亮天工四門順軌

傳玄太常趙喜咨進賢云云

以清廉稱

東觀孫湛為光祿勳

以清廉見稱與周澤相類

以明經拜

後漢劉昆以明經徵拜為光祿勳

選貢惟允庾

集中樂謨詔云光祿九卿列首具職典吏署選貢惟允其以前散騎常侍謨為光祿勳也

選舉稱平

東觀杜林見上

石建奏事謹慎

漢書石奮傳石建郎中令奏事下建讀之驚恐曰書馬者與尾

為五今乃四不足一獲謹死矣其為謹慎他皆如是

魯恭選舉清平

續漢書魯恭選光祿勳

舉清平京師貴戚莫能枉其正

孟宗德行純素

孟宗別傳云宗為光祿勳大會宗先少酒偶有

強者飲之一杯便吐傳詔司察宗吐麥飯察者以聞上乃歎息曰至德清純如此

應詹優游諷

詠

晉書應詹遷光祿勳詹以王敦專制自樹故優游諷詠無所標明及敦作逆明帝問詹計將安出詹厲然

慷慨曰陛下宜奮赫斯之威臣當得負戈前驅庶憑宗廟之靈有征無戰如其不然王室必危帝以詹為都督

前鋒軍事護軍將軍補

張湛正諫

續漢書張湛拜光祿勳光武臨朝或有情容湛輒陳諫其失常

乘白馬帝每見湛輒言白馬生且復諫矣陳蕃切諫東觀漢記陳蕃為光祿

盜不過五女門以女貧家也今後安世隱人過失漢書

世為光祿勳郎有醉小便殿上主事白行法安世曰何以知其不反水漿耶如何以小過成罪郎注官婢婢兄

自言安世曰奴以恚怒誣汚衣冠自署適奴其鄭默遇

人以恩王隱晉書曰鄭默轉光祿勳寬中博愛謙虛温謹不以才地矜物事上以禮過下以和雖僮豎

廝養不加聲色補按尚書令衛瓘奏默才行名望宜居論道五升九卿位未稱德宜贈三司而后父揚駿先欲

以女妻默子豫默曰吾每讀雋不疑傳常想其人畏遠權貴奕世所守遂辭之駿深為恨至此駿議不同遂不

施行揚賜按專朝之致謝承後漢書揚賜拜光祿勳光

惡之遣中使問賜祥異禍福吉凶所在以賜博學碩儒故密諮問宜極陳其意賜上疏陳請按春秋識云天投

蛻海內亂今妾嬖閹尹王肅知棄甲之變魏志王肅為

共專國朝之所致也二魚長尺集於武庫之屋有司以為吉祥肅辨之曰魚

生於淵而亢于屋介鱗之物失其所也邊將其殆有棄甲之變乎其後周仁無所言漢書周仁景帝時為郎中

果有東關之敗補衣溺袴期為不潔清以是得幸入卧內于後宮祕戲

仁常在旁終無所言上時問人仁曰上自察之然亦無

所毀按師古曰問人問以他人之善惡補

應詹無所明

晉書應詹見上

三日拜司

空

後漢書荀爽為光祿勳視事三日進拜司空

即日為護軍

晉書應詹見上

廷尉

廷尉掌刑辟

漢書百官公卿表云廷尉秦官掌刑辟有正左右監秩皆千石景帝中六年更名大

理武帝建元四年復為廷尉宣帝地節三年初置左右平秩皆六百石哀帝元壽二年復為大理王莽改曰作

士補應劭注云尚書咎繇作士五刑獄官之長也

廷尉平刑罰

續漢書百官志廷尉掌平獄奏

當所應凡郡國讞疑罪皆處當以報補

景帝名大理武帝改名廷尉

漢書公卿

表見

獄官之長

應劭注見上

天下之平

漢書張釋之為廷尉文帝行出中渭橋有

一人從橋下走乘輿馬驚於是使騎捕之屬廷尉釋之
奏此人犯蹕當罰金上怒釋之曰廷尉天下之平也一

傾天下用法皆為之輕重民安得
錯其手足上良久曰廷尉當是也
奏讞疑事
漢書張湯

大獄欲傳古義乃請博士弟子治尚書春秋補廷尉史
平亭疑法奏讞疑必奏先為上分別其原上所是受而

著讞法廷尉挈令揚主之明奏事即譴湯摧謝鄉上意
所便必引正監掾史賢者曰固為臣議如此上責臣臣弗

用愚抵此罪常釋問即奏事上善之曰臣非知為此奏
迺監掾史某所為其欲薦吏揚人之善解人之過如

此補按師古曰亭均也著謂明書之也挈獄訟之要也
書於讞法挈令以為後式也摧謝者若上有責即摧折

而謝也臣弗用愚抵此蘇林曰
理疑獄
漢官解詁云
坐不用諸掾語故至於此附
廷尉當疑獄
吳

公治第一為廷尉
漢書文帝初立河南守吳公治
天下第一乃徵吳公為廷尉
吳雄

斷獄平為廷尉 華嶠漢書曰河間吳雄以明法律斷獄平順帝時為廷尉相承為廷尉

尉三世 華嶠漢書吳雄子吳新孫公三世家相承為廷尉以法為名家 **家世為廷尉七**

人華嶠 漢書云郭躬廷尉正遷廷尉人家世掌法凡郭氏為廷尉者七人 **臯陶為大理天下**

無虐刑 淮南子曰臯陶暗而為大理釋之為廷尉天下天下無虐刑有貴乎言者也

無冤民 漢書張釋之為廷尉天下無冤民于定國為廷尉民自以不冤 **盛吉為廷尉天**

下稱平 謝承後漢書盛吉字君達為廷尉自掌憲罪囚當斷夜省坐狀其妻執燭吉將丹筆夫婦相向

弟傅賢為廷尉治獄稱平 謝承後漢書傅賢遷廷尉在位治獄稱平直 **詰責**

廷尉 漢書張釋之為廷尉時有人盜高廟座前玉環得文帝怒下廷尉治按盜宗廟服御物者為奏當棄

欽定四庫全書

北堂書鈔 卷五十三

市上大怒曰人無道乃盜先帝器吾屬廷尉者欲致之獄而君以法奏之非吾所以共承宗廟意也釋之免冠頓

首謝曰法如是足也 **切讓三老** 謝承後漢書范延壽為廷尉燕趙間有三男共取一妻生四子壽上

言男子貴信婦人貴貞今三男一女比之禽獸生子屬母於是四子付母男子棄于市切讓三老無師道也

務在京矜 會稽典錄云盛吉拜廷尉 **務在寬恕** 魏志王吉性多仁恩務在京矜

務從輕比 謝承漢書傳玄遷廷尉垂念刑法 **所活** 務在輕比每令斷獄遲迴流涕

甚多 東觀記云張禹為比曹吏處事執平為京師所稱明帝以其達法理有張釋之風超拜廷尉 **劉**

頌明法理 晉武帝詔云黃門郎劉頌持平居正兼明法理可議郎守廷尉 按頌守廷尉時尚書令

史危寅非罪下獄詔使考竟頌執據無罪寅遂得免時人以頌比張釋之在職六年號為詳平 **掌法**

寬平 後漢書郭躬遷廷尉躬家世掌法務在寬平及典理官決獄斷刑多依矜恕乃條諸重文可從輕者

四十一事奏之 **持法清正** 會稽典畧云黃昆皆施行著于今 **不發私書** 會稽典畧云黃昆遷廷尉持法清正

客 謝承漢書傅賢遷廷尉 **不發私書** 會稽典畧云黃昆遷廷尉持法清正

卜福執謙 東觀云卜福為廷尉執謙 **傅賢廉直** 謝承漢書傅賢

遷廷尉素廉直公卿讎飲不往以家貧無以報其施也 **釋之前跪結生鞮** 漢書張

廷尉嘗召居廷中公卿盡會立王生老人曰吾鞮解顧謂釋之為我結鞮釋之跪而結之既已人或讓王生獨

奈何廷尉張廷尉如此王生曰吾老且賤自度終亡益于張廷尉廷尉方天下名臣吾故聊使結鞮欲以重之

朝廷稱之 漢書于定國為廷尉決疑平法務在哀 **官屬** 錄寡罪疑從輕加審慎之心朝廷稱之

欽定四庫全書

北堂書鈔 卷五十三

咸服 漢書朱博遷廷尉恐為官屬所誣召見正監典法掾吏謂曰廷尉本起於武吏不通法律然廷尉治

郡決獄以來且二十年亦獨耳割日久三尺律令人事出其中掾史試與正監共撰前世決事吏議難知者數

十事持以問廷尉得為諸君意覆之正監即共條白博博皆召掾吏為平處其輕重十中八九官屬咸服 按

博每遷徙易官所到輒出奇譎以明示下為不可欺者博為人廉儉不好酒色游晏自微賤至富貴食不重味

案上不過三柘夜寢早起妻稀見其面然好樂士大夫為郡守九卿賓客滿門欲仕官者薦舉之欲報仇怨者

解劍以帶之其趨 **釋令尹之族** 說苑楚令尹之族有干事待士如是補 **以主意為獄** 漢書杜周為廷尉其

尹之族也而釋之子 **以主意為獄** 漢書杜周為廷尉其文召廷理而責之 **以主意為獄** 漢書杜周為廷尉其

候伺上所欲擠者因而陷之上所欲釋久繫待問而微見其寬狀客有謂周曰君為天下決平不循三尺法專

以人主意指為獄獄者固如是乎周曰三尺安在哉前
主所是著為律後主所是疏為令當時為是何古之法
乎至周為廷尉詔

李離過殺伏劍而死

韓詩外傳晉文公使李離為大

獄亦益多矣補理過聽殺人自拘於廷請死於君君曰官有貴賤罪有
輕重下吏有罪非子之罪也李離曰法失則刑刑失則

死遂伏

石奢廢法刎頸而死

新序楚昭王有士曰石奢其為人公正而好義王

使為理於是廷有殺人者石奢追之則其父也遂反於
廷曰殺人者僕之父也以父成政不孝不行君法不忠

弛罪廢法而伏其辜僕之所守

定國北面執經

漢書于定國為

廷尉乃迎師學春秋身執經北面備弟子禮按于定國為人謙恭尤重經術士雖卑賤徒步往過定國皆與

鈞禮思敬甚備
學士咸稱焉補

北堂書鈔卷五十三

欽定四庫全書

北堂書鈔卷五十四

唐 虞世南 撰

明 陳禹謨 補註

設官部六

大司寇

執金吾

大司農

少府

太僕

大匠

鴻臚

大長秋

大司寇

掌典刑邦國

周禮秋官大司寇之職掌建邦之三典以佐王刑邦國詰四方一曰刑新國用輕典

二曰刑平國用中典三曰刑亂國用重典鄭注典法也詰謹也以五刑糾萬民

大司寇職云以

五刑糾萬民一曰野刑上功糾力二曰軍刑上命糾守三曰鄉刑上德糾孝四曰官刑上能糾職五曰國刑上

愿糾

以兩造禁民訟

大司寇職云以兩造禁民訟入東矢于朝然後聽之鄭注曰訟為以

財貨相告者造至也使訟者兩至既兩至使入束矢乃治之也矢者取其直也以兩劑禁民獄

大司寇職云以兩劑禁民獄入鈞金三日乃致于朝然後聽之鄭注劑今券書也使獄者各齎券書既兩券書

使入鈞金又三日乃治之重刑必入金者取其堅也三十斤曰鈞補以嘉石平罷民大司寇職

云以嘉石平罷民凡萬民之有罪過未麗於法而害于州里者桎梏而坐于嘉石役諸司空重罪旬有三日坐

暮役其次九日坐九月役其次七日坐七月役其次五日坐五月役其下罪三日坐三月役使州里任之則宥

而舍以肺石達窮民大司寇職云以肺石達窮民凡遠之補近惻獨老幼之欲有復于上而其

長弗達者立于肺石三日士聽其辭以告于上而罪其長鄭注云肺石赤石也窮民天民之窮而無告者以

邦典定之大司寇職云凡諸侯之獄訟以邦典定之鄭注云邦典六典也以邦典待邦國之治以

邦成弊之大司寇職云凡庶民之獄訟以邦成弊之大祭祀奉大牲若禋祀五帝則戒之曰涖誓百

官戒于百族鄭注戒之日卜之日也百族謂府史以下也郊特牲曰卜之日王立于澤親聽誓命獻命庫門之

內戒百官也太廟之內戒百姓也

涖其盟書

大司寇職云凡邦之大盟約涖其盟書而登之于天

府鄭注云涖臨也天府祖廟之藏

涖戮于社

大司寇職云大軍旅涖戮于社鄭注曰社謂社主在

軍者也戮于兩觀之下

家語云孔子為魯司寇朝政七日而誅亂政大夫少正卯戮于兩觀

之下尸于不敢朝飲其羊

家語云初魯之販羊有沈猶氏者常朝飲其羊以詐市人

有公慎氏者妻淫不制有慎潰氏者奢侈踰法魯之鬻六畜者飾之以儲價及孔子之為政也則沈猶氏不敢朝飲其羊公慎氏出其妻慎潰氏越境而徙三月則鬻牛馬者不儲價賣羊豚者不加飾男女行者別其塗道不拾遺男尚忠信女尚貞順四方客至於邑者不求有司皆如歸焉補

執金吾

典執金革

漢官解詁曰執金吾吾者禦也典執金革以禦非常也

徽循京師

漢書百官

公卿表云中尉秦官掌徽循京師有兩丞候司馬千人

徽道宮下

韋昭辨釋名云執金吾掌徽循

宮外司執奸邪至武帝更名金吾為外卿不見九卿之列也

掌司非常

續漢書百官執金吾掌宮

外戒司非常水火之事月三統行宮外及主兵器

以禦非常

漢官解詁見上

司執女邪

韋昭云執金吾掌徽循宮及司執奸邪也

擒姦討猾

胡廣曰衛尉巡行宮中則金吾徽於外相為表

裏以擒奸討猾也

禁執典兵

漢官解詁曰執金吾執禁典兵

從領宿衛

華嶠漢書執金

吾掌從領宿衛

車馬甚盛

東觀陰后紀云光武初過新野閑后美心悅之後至長安見執金吾車騎

甚盛因歎曰任官當作執金吾娶妻當得陰麗華

輿服滿道

應劭漢官儀曰執金吾緹騎二百人

持戟五百二十人與服導從光

滿道路犀條之中斯最壯矣

從六百騎走六千人

儀執金吾車駕出從六百騎走六千二百人也

至都法不避貴

漢書鄧都遷為中尉丞相條侯

嚴酷至行法不避貴戚列侯宗室見之側目而視號曰

蒼鷹

陰識語不及國 後漢陰識守執金吾轉導東宮帝每

入雖極言正議及與賓客語

未嘗及國事帝敬重之補 馬防性矜嚴 東觀漢記馬

矜嚴公正數言

崔琰有威重 魏志崔琰遷中尉琰聲姿

甚有威重朝士瞻

望太祖亦嚴憚焉 陰識正諫 續漢書陰識拜執金吾

浮切諫 疏切諫

按浮疏曰間者守宰數見 換易尋其

續漢書朱浮為執金吾六年有日食之異浮上

按浮疏曰間者守宰數見 換易尋其

按浮疏曰間者守宰數見 換易尋其

按浮疏曰間者守宰數見 換易尋其

按浮疏曰間者守宰數見 換易尋其

按浮疏曰間者守宰數見 換易尋其

視事曰淺未足昭見其職既加嚴切人不自保二千石及長吏迫於舉劾懼於刺譏故爭飾詐偽以希虛譽斯皆羣陽騷動日月失行之應夫物暴長者必夭折功卒成者必亟壞願陛下遊意於經年之外望化於一世之後天下幸甚帝下其議補

大司農

虞命羲和

應劭漢官儀曰大司農古官也唐虞分命羲和四子敬授民時續漢書百官志云平帝末

改大司農為羲和也

秦曰治粟

漢書百官公卿表云治粟內史秦官掌穀貨景帝後元年更名大農

今武帝太初元年更名大司農

武帝更名

上孝武復置

臧榮緒晉書云哀帝興寧二年

省司農之職至孝武寧康復置也

掌金帛

漢書百官志云大司農掌諸錢穀金帛

司金穀

揚雄大司農歲云時惟大農爰司金穀自京徂荒粒民是斛肇自厥初實施惟食厥僚后稷有無遷易實均實贏惟都作程旁求衣食厥民攸生上稽二帝下閱三王什一而征為民作常遠近貢篚百姓不忘帝王之盛咸在農殖季周爛漫而東作不勅膏腴不穫庶物並荒府藏單虛靡積靡倉陵遲哀微姬卒以彘秦收太半二世不瘳泣血之末海內無聊農臣司均敢告執繇補

國之淵

急就章云司農少府國之淵

司農

掌六府

崔瑗鮑德誅曰乃司大事掌是六府三事九功迺修迺聚

陳粟萬石揚以箕

漢武柏梁詩大司農曰陳粟萬石揚以箕

朱邑治行第一入為大司農

漢書曰宣帝地節四年北海太守朱邑以治行第一入為大司農

梁習治政為最徵拜

大司農

魏志云梁習為并州二十餘年政治常為天下最太和二年徵拜大司農按濟陰王思與習

俱為西曹令史思因直日白事失太祖指太祖大怒教
召主者將加重辟時思近出習代往對已被收執矣思
乃馳還自陳已罪罪應受死太祖歎習之不言思之識
分曰何意吾軍中有二義士乎補裴松之以為習與王
思同寮而已親非骨肉義非列頸而以身代思受不測
之禍以之為義無乃乖先哲之雅旨乎史遷云死有重
於太山有輕於鴻毛故君子不為苟存不為苟亡若使
思不引分主不加怒則所謂自經于溝瀆而莫之知也
習之死義者附仲卿居處節儉漢書朱邑字仲卿為大司
農居處節儉然性公正不
可交以私天子東觀漢記牟融遷大司
農居職修治又善論議
器之朝廷敬焉子優居職修治東觀漢記牟融遷大司
農居職修治又善論議
朝廷皆服其能帝數高詡在朝清白東觀漢記高詡以文學
徵拜大司農在朝
嗟歎以為才堪宰相東觀漢記高詡以文學
徵拜大司農在朝
以清白方鄭衆在位清正華嶠後漢書鄭衆為大司農在
位以清正稱其後受詔作春
正稱焉

秋刪十

九篇 山東稱鄭莊

漢書鄭當時為大司農每朝候上問說未嘗不言天下長者其推轂士

及官屬丞史誠有味其言也常引以為賢於已未嘗名

更與官屬言若恐傷之聞人之善言進之上唯恐後山

東諸公以此翕然稱鄭莊也

朝廷稱牟融

東觀牟融為大司農性明達朝廷稱為名卿表

陳盜賊所由

續漢書李固為大司農上表具陳盜賊所由按先是周舉等八使按察天下多所

劾奏其中並是宦者親屬輒為請乞詔遂令勿考又舊
任三府選令史光祿試尚書郎時皆特拜不復選試固
上疏以為八使所糾宜急誅罰選舉署置可歸有司朝
廷稱善乃復上言自頃選舉牧守多非其人至行無道
侵害百姓又宜止盤遊諫以農桑為務魏志云司馬芝
專心庶政帝納其言補諫以農桑為務為大司農先是
諸典農各部吏民末作治生以要利入芝奏曰王者之
治崇本抑末務農重穀臣愚以為不宜復以商事雜亂

專以農桑為務於國
計為便明帝從之
鄭弘科遣徒漢書鄭弘遷大司農在位一月科遣諸徒

七百人弘舉吏范固為尚書謂弘曰舊常一歲不遣數
百明府一月遣近千人何其多也弘曰不應遣一人為

多如是遣萬人為少者也按舊交趾七郡貢獻轉運皆從東治汎海而至風波艱阻沉溺相係弘奏開零陵

桂陽嶠道於是夷通至今遂為常路在職二年所息省
三億萬計時歲天下遭旱邊下有警人食不足而帑藏

盈積弘又奏宜省貢獻徭費以利飢人帝順其議補東治縣屬會稽郡太康地理志云漢武帝名為東治後

改為東候官今附鄭眾諫改葬華嶠後漢書云鄭眾為左馮翊政有名迹建初六年

代鄧彪為大司農是時朝議欲改葬眾諫以
為不可詔數切責至被奏劾眾執之不移補王恩苛碎

下吏嗷然魏畧王恩正始中為大司農為延年盜錢自人苛碎而喜怒無度下吏嗷然

殺

漢書田延年為大司農坐盜都內錢三十萬後自刎死

劉據被譴加捶

謝承漢書劉據大

司農以職事被譴召將加捶撲左雄諫曰九卿位亞三事班在大臣行有佩玉之節動有庠序之儀孝明皇帝始有撲罰皆非古典帝從而改之其後九卿無復捶撲者補

少府

少府秦官銀章青綬

晉百官表注云少府一人秦官銀章青綬五時朝服進賢兩梁冠也

別為小藏故曰少府

應劭漢官儀曰少府自別為藏少者小也故稱少府掌服御

衣物

續漢書百官志云少府中二千石掌中服御諸物衣服寶貨珍膳之屬

掌山池澤

漢書

百官公卿表云少府秦官也掌山海池澤之稅以給供養有六丞屬官有尚書符節太醫太官湯官導官樂府

若盧考工室左弋居室甘泉居室左右司空東織西織東園匠十六官令丞又胞人都水均官三長丞又上林

中十池監又中書謁者黃門鉤盾上方御府永巷內者官者八官令丞諸僕射署長中黃門皆屬焉補統

尚方御物

魏志王觀為少府曹典使材官張達斫家屋材及諸私用之物觀聞之皆錄奪以沒官少

府統三尚方御府內藏玩弄之寶曹爽等奉養是供楊

奢放多有干求憚觀守法乃徒為太僕也少府藏云實實少府奉養是供紀經九品臣子攸同海

內幣帑祔祔如雲家有孝子官有忠臣共僚率舊聖則越遵民以不擾國以不煩昔在帝季癸辛之世酒池糟

隄而象箸以噬至於耽樂流湏而姐妹作祟共察不御不恢夏殷喪其國康而卒以陵遲嗜不可不察欲不可

不圖未嘗失之於約嘗失於奢府臣司共敢告執蘇補

紀經九品上見考定百工

傅玄太尉揚彪銘曰公孫賀儒莅于少府考定百工

學為少府

漢書百官公卿表云武帝建元六年公孫賀以儒學為少府

鮭陽鴻名儒

拜少府

東觀鮭陽鴻字孟孫為世名儒永平拜少府也

蔡義以光祿大夫為少

府

漢書百官公卿表云蔡義以光祿大夫為少府

孔融以將作大匠為少府

續漢

書孔融建安中以將作大匠為少府也

按融遷少府每朝會訪對輒引正定議公卿大夫皆隸名而已補

薛宣堪國器

漢雜事薛宣為少府谷永上書薦宣曰才茂行潔達於從政

王謏有容

止

襄陽記王謏為少府有容止操行

楊阜數諫爭

魏書楊阜字義山遷少府每朝廷會議常

侃然以天下為己任數諫爭不聽屢乞遜位未許會卒家無餘財按阜議以為致治在於任賢興國在於務

農若舍賢而任所私此忘治之甚者也廣開宮館高為臺榭以妨民務此害農之甚者也百工競作奇巧以合

上欲此傷本之甚者也守功文俗之吏為政不通治體
苟好煩苛此亂民之甚者也當今之急宜去四甚並詔
公卿郡國舉賢良方正敦朴之士而選用之此亦求賢
之一端也阜又上疏欲省宮人諸不見幸者乃召御府
吏問後宮人數吏對曰禁密不得宣露阜怒杖吏一百
數之曰國家不與九卿為密反與小吏為密乎帝聞而
愈敬常林性清白魏志常林文帝時為少府林性既清
憚補常林性清白白當官又嚴按少府寺與鴻臚對
門時崔林為鴻臚崔性濶達不與林同數數聞林撻吏
聲不以為可林夜撻吏不勝痛叫呼教教徹曙明日崔
出門與林車相遇乃啗林曰聞卿為廷尉爾耶林不覺
答曰不也崔曰卿不為廷尉昨夜何故考囚乎林大慙
然不能自止附君高大儒東觀云牟長字君高建武中拜少府
詔曰少府大儒不失法度其見優如

此義山直士

魏書袁子曰或云故少府楊阜豈非忠臣
哉見人主之非則勃然怒而觸之與人言

未嘗不道也豈非所謂王臣蹇蹇匪躬之故者歟答曰然可謂直士忠則吾不知也夫仁者愛人施於君謂之忠施於親謂之孝忠孝者其本一也故仁愛之至者君親有故諫而不入求之反覆不得已而言不忍宣也今為人臣見人主失道直諫其非而播揚其惡可謂直士未為忠臣也故司空陳羣則不然其談論終日未嘗言人主之非書數十上而外人不知君子謂羣於是乎長者矣補

太僕

掌輿馬

漢書百官公卿表云太僕秦官掌輿馬有兩丞屬官有大廐未央家馬三令各五丞一尉又車

府路軫騎馬駿馬四令丞又龍馬閑駒索泉駒駮承華五監長丞又邊郡六牧師苑令各三丞又牧索昆蹏令丞皆屬焉補應劭曰太僕周穆王所置也蓋大御衆僕之長中大夫也如淳曰爾雅云昆蹏研善升獻者也因

以為殿名師古曰牧索言牧養索馳也昆獸名也蹠研者謂其蹠下平也善升廐者謂山形如甑而能升之也

蹠即古蹄字耳研音五見附掌車馬續漢書百官志云太僕秩中二千石掌車

反廐音言又音牛偃反馬天子每出奏駕上鹵簿用大駕則執馭補牧輿馬漢武柏梁詩太僕曰車

馬是供揚雄太僕箴云肅肅太僕車馬是供鏘鏘和鸞駕彼時龍昔在上帝巡狩四宅王用三驅前禽

是射紂作不令武王征殷輿車孔夏四駮孔昝僕夫執降載駢載駟我輿云安我馬惟閑雖馳雖驅匪逸匪愆

昔有淫羿馳騁忘歸景公千駟而淫於齊詩好牡馬牧於駒野輦車就牧而詩人興魯廢焚問人仲尼厚醜孟

子蓋惡夫廢多肥馬而野有餓殍僕臣司駕敢告執皂補正於羣僕庠閑王御

太尉揚彪銘云王出入則前驅周禮太僕掌正王之服太僕庠閑王御位出入王之大命王出

入則自左馭而前驅鄭注前驅如今導引也道而居左自馭不參乘辟王也

天子出則奏駕

續漢書百官志云太僕周官秩中二千石掌車馬天子出則奏駕

眠朝正位軍旅贊鼓

周禮太僕職云凡軍田役贊王鼓救日月亦如之

燕相其法射贊弓矢

周禮太僕職云

王燕飲則相其法王射則贊弓矢鄭注云相左右也贊謂授之受之補

周穆王命伯冏為

太僕 夏侯嬰為沛公太僕

漢書夏侯嬰自上初起沛常為太僕從竟高祖崩以

太僕事惠帝高后德嬰之脫孝惠魯元於下邑間也乃賜嬰北第第一曰近我以尊異之惠帝崩以太僕事高

后高后崩代王之末嬰以太僕與東牟侯入清宮廢少帝以天子法駕迎代王代邸與大臣共立文帝復為太

僕 祭彤膂力為太僕

東觀云祭彤膂力過人常貫三百斤弓入為太僕從至魯明帝至孔

子廟指子路室曰此太僕室也

馮魴高第為太僕

續漢書馮魴為魏郡太守以高第八代趙

熹為**執正廉平**

漢雜事云陳萬年為太僕執正廉平內修行潔

按萬年善事人賂遺外戚許

史傾家自盡子咸抗直萬年嘗病召咸教戒於牀下語至夜半咸睡頭觸屏風萬年大怒欲杖之曰乃公教戒

汝汝反睡不聽吾言何也咸叩頭謝曰具曉所言大要教咸調也

在朝盡節

東觀劉般為太僕在

朝盡節風夜不急

蔣疊數言便宜

東觀云蔣疊字伯重為太僕在臺閣文雅通達明故事

在九卿位數言**傅玄陳事切直**

王隱晉書傅玄為太僕時比年不登羌胡擾邊詔

公卿會議玄應對所問陳事切直雖不盡施行而常見優容也

次孫素清

後漢書祭彤為太僕在遼

東幾三十年衣無兼副顯宗既嘉其功又美彤素清約拜日賜錢百萬馬三匹衣被刀劍下至居室什物大小

無不悉備帝每見彤常魏志國淵字子尼為歎息以為可屬以重任子尼恭儉太僕居列卿位布衣

蔬食祿賜散舊故宗族以恭儉自守石慶以策數馬漢書石慶為太僕御

以策數馬舉手曰六馬慶於兄弟中最為簡易而猶如此郭展留心養生晉書公卿

太僕留心養生是以廢馬表郭展為充丁其後征吳濟事也減省諸費東觀云馬元字叔

省諸費歲撫慰天下漢書趙岐遷太僕及李傕專政使千萬以上太傅馬日磾撫慰天下以岐為副

日磾行至洛陽表別遣岐宣揚國命所到郡縣百姓皆喜曰今日乃復見使者車騎是時袁紹曹操與公孫瓚

爭冀州紹及操聞岐至皆自將兵數百里奉迎岐深陳天子恩德宜罷兵安人之道又移書公孫瓚為言利害

紹等各引兵去皆與岐魏志永寧中太期會洛陽奉迎車駕補張閭以簡質聞僕東郡張閭以

簡質
梁松為請托免續漢書梁松為太僕永平二年為松請托郡縣事覺免

大匠

秦曰將作少府漢名將作大匠

漢書百官公卿表云將作少府秦官掌治宮室

有兩丞左右中候景帝

中六年更名將作大匠

掌治宮室

見上掌作宗廟

云將作大匠秩二千石掌修作宗廟路寢宮室

經構宮

室

揚雄將作大匠箴曰侃侃將作經構宮室牆以禦風宇以蔽日寒暑攸除鳥鼠攸去王有宮殿民有宅居

昔在帝世茅茨土階夏卑宮觀在彼溝洫祭作瑤臺紂作璇室人力不堪而帝業不卒詩詠宣王由儉改奢觀豐上六大屋小家春秋譏刺書彼泉臺兩觀雉門而魯以不恆或作長府而閔子不仁秦築驪阿羸姓以顛故

人君無云我責椽題是遂母云我富淫作極遊
在彼牆屋而忘其國戮作臣司匠敢告執猷補
樽櫨支

持漢拍梁詩大匠云柱拊樽櫨相支持掌土木之功樹桐梓之類
績漢書見上

除藻飾割浮費汝南先賢傳云應順為將作大匠發姦
摘伏除藻飾割浮費按漢官曰永元

十年大匠應順上言百郡計吏觀國之光而舍逆旅崎
嶇私館直裝衣物敝朽暴露朝會邈遠事不肅給昔霸

國盟主耳舍諸侯於隸人子產以為大識况
今四海之大而可無乎和帝嘉納其言附工無虛張

之繕徒無饑寒之色東觀云鄧豹字伯庠遷大匠
工無虛張之繕徒無饑寒之色視事

五年省費億萬華嶠漢書應順為將作大匠發衆奸皆極
其刑豪猾吏累跡視事五年省費以億

萬延年以勤賜秩漢書馬延年為將作大匠成
帝以其勤苦賜秩二千石王彬以

勤賜爵

昔中興書琅邪王彬為將作大匠帝以其勤勞爵闕內侯

李固遷大匠常推

賢進士

續漢書李固遷將作大匠常推賢進士

按固

設壇西門陳列名臣秦使懼然遂為寢兵魏文侯師卜子夏田子方段干木故羣俊競至名過齊桓秦人不敢闖兵於西河斯蓋積賢人之符也陛下撥亂龍飛初登大位聘南陽樊英江夏黃瓊廣漢楊厚會稽賀純四海欣然歸服聖德臣前在荊州聞厚純等以病免歸誠以悵然為時惜之一日朝會見諸侍中並皆年少無一宿儒大人可顧問者誠可歎息宜徵還厚等以副羣望瓊久處議郎已且十年衆人皆怪始隆崇今更滯也光祿大夫周舉才謨高正宜在常伯訪以言議侍中杜喬學深行直當世良臣久托疾病可勅令起是日有詔徵用倫厚等而

魏霸為大匠皆懷恩竭節

東觀云魏霸為將作大匠吏皆懷恩

人自竭節作業無遺過之事也

百工畢力

謝承漢書陳球躬親作事為士卒先百工畢力

猾吏

累跡

華嶠漢書應順見上

巡行病徒為致醫藥

續漢書曹褒遷將作大匠時有疾疫

褒巡行病徒為致醫藥經理饘粥多蒙濟活七年遷為河南太守

鴻臚

秦曰典客

漢書百官公卿表云典客秦官掌諸歸義蠻夷景帝中六年更名大行令武帝太初元年

更名大

漢置鴻臚

應幼漢書鴻臚景帝署韋昭辨釋云鴻臚者本故典客事掌賓禮武帝時

更為鴻臚鴻大也臚陳序也欲大以禮陳序於賓客也按揚雄大鴻臚箴曰蕩蕩唐虞經通垓極陶陶百王

天工人力畫為上下羅條百職人有材能察有級差違能授官各有攸宜主以不廢官以不廢昔在三代二季

不獨穢德慢道署非其人失其材職反其官案察荒
耄國政如漫文不可文武不可文大小上下不可奪倫

鴻臚司爵敢
告在隣附

掌蠻夷

續漢書百官志云大鴻臚掌諸侯
及四方歸義蠻夷其郊廟行禮贊

導請行事既可以命羣司諸王入朝當郊迎典其禮儀
及郡國上計匡四方來亦屬焉皇子拜王贊授印綬及

拜諸侯諸侯嗣子及四方夷狄封者臺下
鴻臚召拜之王薨則使弔之及拜王嗣補主胡事山濤
啓事

云鴻臚主胡事前後為之者率多不善了今缺
當選御史中丞刁攸舊能人也按胡一作故補允正九

儀 傳玄揚彪
銘云云 **儼贊九賓** 東觀漢記百官表云大鴻臚漢
舊官主齋祠儼贊九賓之禮

撫柔遠賓 漢官解詁云鴻臚贊
通四門撫柔遠賓 **懷柔遠人** 張衡司空陳
公誅云後作

鴻臚職掌九賓輯
寧侯衛懷柔遠人 **韓宣稱職** 魏畧韓宣為大鴻臚始南
陽曲阜韓暨以宿德在宣

前為大鴻臚及宣在官亦稱職故鴻臚中為刁攸能人之語曰大鴻臚小鴻臚前後治行相曷如

山濤啓事

韋彪議貢舉

漢書韋彪為大鴻臚是時陳事者多言郡國貢舉率非功次故

云見上守職益懈而吏士寢疏咎在州郡有詔下公卿朝臣議彪上議曰伏惟明詔憂勞百姓垂恩選舉務得其人夫國以簡賢為務賢以孝行為首孔子曰事親孝故忠可移於君是以求忠臣必于孝子之門夫人才行少能相兼是以孟公綽優於趙魏老不可以為滕薛大夫忠孝之人持心近厚鍛鍊之吏持心近薄三代之所以直道而行者在其所以磨之故也士宜以才行為先不可純以閒閑然其要歸在于選二千石二千石賢則貢舉皆得其人帝深納之補按彪以世承二帝更化之後多以苛刻為能又置官選職不必以才因盛夏多寒上疏諫曰臣聞政化之本必順陰陽伏見立夏以來當暑而寒始以刑罰刻急郡國不奉時令之所致也農人急于務

而苛吏奪其時賦發充常調而貪吏割其財此其巨患也夫欲急人所務當先除其所患天下樞要在於尚書高書之選豈可不重而問者多從郎官超升此位雖曉習文法長于應對然察察小慧類無大能宜簡嘗歷州宰素有名者又諫議之職應用公直之士通才審正有補益于朝者今或從徵試輩為大夫又御史外運動據州郡並宜清選其任責以言績其二千石視事雖久而為吏民所便安者宜增秩重賞勿妄遷徙維留聖心書奏帝納

崔林求故事

魏書崔林為大鴻臚時龜茲王遣侍子來朝朝廷嘉其遠至褒賞其

王甚厚餘國各遣子來朝問使連屬林恐所遣或非真的權取踈屬賈胡因通使命利得印綬而道路護送所損滋多勞所養之民資無益之事為夷狄所笑此曩時之所患也乃移書燉煌喻指并錄前世待遇諸國豐約故事使有

恒常補

大長秋

掌皇后家

續漢書百官志云承秦將行宦者景帝更名大長秋或用士人中興常用宦者職掌奉宣

中宮 非天子卿

韋昭辨釋名云長秋自皇后官非天子卿釋云長秋主宮中凡物次春生

秋成欲使中宮之祚如之故為名辨皇

吳彥威恩徵拜

后陰宮秋者陰之始長者欲其久也

城禁緒晉書云吳彥為交州刺史在鎮二十餘年

以妾免官

晉陽秋云大長秋孫和上書求以妾為妻免官禁錮也

北堂書鈔卷五十四

欽定四庫全書

子部

北堂書鈔卷五十五至
七

詳校官中書臣金應琦

負外郎臣牛稔文覆勘

總校官庶吉士臣倉聖脉

校對官助教臣胡子襄

謄錄監生臣苗序洙

欽定四庫全書

北堂書鈔卷五十五



唐虞世南撰

明陳禹謨補註

設官部七

諸卿丞

太史令

廟令

廷尉平

公車令

太官令

符節令

太倉令

車府令

武庫令

諸卿丞

秩比千石總署曹

續漢書百官志云太常丞一人比千石掌凡行禮及祭祀小事總署曹事

谷永數言得失

漢書谷永為太常丞數上疏言得失建始三年冬日食地震同日俱發詔舉方

正直言極諫之士太常陽城侯劉慶忌舉永待詔公車對策與杜欽俱為上第補按永策曰凡災異之發各象過失以類告人乃十二月朔戊申日食嬰女之分地震蕭牆之內二者同日俱發以丁寧陛下厥咎不遠宜厚求諸身意豈陛下志在閔門未卹政事不慎舉錯婁失中與內寵大盛女不遵道嫉妬專上妨繼嗣與誠留意

於正身燕私之間以勞天下未有身治正而臣下邪者也誠修後宮之政明尊卑之序貴者不得嫉妬專寵以絕驕慢之端抑哀閭之亂未有閨門治而天下亂者也誠勅正左右齊粟之臣戴金貂之飾執常伯之職者皆使學先王之道知君臣之義未有左右正而百官枉者也誠審思治人之術歡樂得賢之福論材選士必試於職明度量以程能考功實以定德未有功賞得於前衆賢布于官而不治者也誠放退殘賊酷暴之吏錮廢勿用益選溫良上德之士以親萬姓平刑釋寃以理民命務省繇役毋奪民時薄收賦稅毋殫民財未有德厚吏良而民畔者也此五者王事之綱紀南面覆之決定疑之急務唯陛下留神對奏天子異焉附

議

陶氏家傳云陶覆之為太常丞凡宗廟疑議多所決定時人爲之語曰定禮決疑問陶覆之

韋弘坐

廟事繫獄

漢書韋賢子韋弘為太常丞職奉宗廟典諸陵邑煩劇多罪過父以弘當為嗣故勅令自

免弘懷嫌不去官及賢病也衛翬賣偷石免官山公啓事

篤弘竟坐宗廟事繫獄也衛翬賣偷石免官衛翬為少
府丞甚有頓益後坐賣偷石事免官
今太子門夫缺不審可參選不也

廷尉平

秩六百石平決詔獄

續漢書百官志云廷尉平一人秩六百石掌平決詔獄

宣帝

召次公

漢書黃霸字次公為河南太守丞是時俗吏尚嚴酷以為能而霸獨用寬和為名會宣帝即位

在民間時知百姓苦吏急也聞霸持法平召以為廷尉正數決疑獄廷中稱平守丞相長史坐公卿大議庭中知長信少府夏侯勝非議詔書大不敬霸阿從不舉劾皆下廷尉繫獄當死霸因從勝受尚書獄中再踰冬積三歲乃出補按勝霸既久繫霸欲從勝受經勝辭以罪死霸曰朝聞道夕死可矣勝賢其言遂授之繫再更冬

講論不怠至四年夏闕東四十九郡同日地動或山崩
壞城郭室屋殺六千餘人詔博問術士有以應變補朕
之闕毋有所諱因大赦勝出為諫大夫給事中霸為揚
州刺史勝為人質樸守正簡易亡威儀見時謂上為君
誤相字于前上亦
丞相舉比干
三輔決錄云何比干漢武帝時丞相公孫弘舉

為廷尉右平獄無冤民
按何氏家傳云並祖父比干
字少卿經明行修兼通法律為汝陰縣獄吏決曹掾平
活數千人後為丹陽都尉
伯真明法律
謝漢書宗琳字伯真橋玄表琳

明法律徵
拜廷尉正
顧榮用刑理
晉中興書云顧榮遷廷尉平時趙王倫誅淮南王允收允官屬

下廷尉議罪榮具明刑理不宜
子成輕比
謝漢書陳咸字子成為廷

尉監議人
常從輕比
子華宥疑
魏志司馬芝字子華遷大理正有盜官練置都厠上者吏疑女工收

以付獄芝曰夫刑罪之失失在苛暴今臧物先得而後詢其辭若不勝掠或至誣服誣服之情不可以折獄且簡而易從大人之化也不失有罪庸世之治耳今宥所疑以隆易從之義不亦可乎太祖從其議補按芝為廣平令時征虜將軍劉勳貴寵驕豪又芝故郡將賓客子弟在界數犯法勳與芝書不著姓名而多所屬托芝不報其書一皆如法後勳以不軌誅交關

何比干活者以

千數

後漢書何敞六世祖比干學尚書於晁錯武帝時為廷尉正與張湯同時湯持法深而比干務仁恕

數與湯爭雖不能盡得然所濟活者以千數補按征和三年三月辛亥天大陰雨比干在家日中夢貴客車騎滿門覺以語妻語未已而門有老嫗可八十餘頭白求寄避雨雨甚而衣履不沾漬雨止送至門乃謂比干曰公有陰德今天錫君策以廣公之子孫因出懷中符策狀如簡長九寸凡九百九十枚以授比干子孫佩印綬

者當如此筭比千年五十八有六男又生三
子本始元年自汝陰徙平陵代為名族附
陳咸多所

全活

謝漢書陳咸為廷尉監多所全活按今班漢書不載

陸鸞求築評堂

晉起居注

云廷尉監陸鸞求增築平堂圖書先賢者

江統作正刑論

王隱晉書云江統為廷尉正作正刑

論按統為廷尉正每州郡疑獄斷處從輕補

馬岐河南丞為廷尉正

魏志司馬芝子

所連及數歲不決詔書徙獄于岐屬縣請豫治牢具

岐曰今囚有數十既巧詐難符且已倦楚毒其情易見

豈當久處囹圄耶及囚至詰之皆莫敢匿詐一朝決竟

遂超為廷尉補按是時曹爽專權尚書何晏鄧颺等為之輔翼南陽主秦嘗以言逆指考繫廷尉颺訊獄將致

秦重刑岐數颺曰夫樞機大臣王室之佐既不能輔化成德齊美古人而乃肆其私忿枉論無辜使百姓危心

非此焉在賜於是慙怒而退
岐終恐久獲罪以疾去官
州顧榮太子舍人轉廷尉正
晉書曰顧榮機神朗悟冠任吳為黃門侍郎太子輔
義都尉吳平與陸機兄弟同入洛時人號為三俊例拜
為郎中歷尚書郎太子中舍人轉廷尉正補按榮恒縱
酒酣暢謂友人張翰曰惟酒可以忘憂但無如作病何
耳初榮與同僚宴飲見執炙者狀貌不凡有欲炙之色
榮割炙啗之坐者問其故榮曰豈有終日執之而不知
其味及倫敗榮被執將誅而執
炙者為督率遂救之得免附

太史

太常屬官太史令

漢書百官公卿表云太常屬官有太史令一人

冠一梁秩六

百石

漢官儀云太史令秩六百石冠一梁丞二人三百石

不知先王之諱不知風

雨之肯此太史之任

賈誼新書云不知先王之諱與國之忌不知風雨雷霆之肯此太史

之任也

掌邦六典

周禮太史掌建邦之六典以逆邦國之治掌法以逆宮府之治掌則以逆都鄙

之治補按鄭注云典則亦法也逆迎也六典八法八則冢宰所建以治百官太史又建焉以為王迎受其治也

太史日官也春秋傳曰天子有日官諸侯有日御日官居卿以底日禮也

掌記瑞應

續漢書百

官志云太史令凡國有瑞應災異掌記之

掌天時後漢書百官志云太史令掌天時星歷周禮太史職

云正歲年以序事頒之于官府及都鄙鄭注云中數曰歲朔數曰年中數大小不齊正之以閏若今時作歷日

矣定四時以次序授民時之事按賈公彥疏曰正歲年者謂造歷正歲年以閏則四時有次序依歷授民以

事故云以序事也云頒之于官府及都鄙者官府據在朝都鄙據三等采地先近及遠故先言官府次言都鄙

下乃言
邦國附
頌告朔

周禮太史職云頌告朔于邦國鄭玄注曰天子頌朔于諸侯諸侯藏之祖廟至

朔朝于廟告而受行之鄭司農云頌讀為班班布也以十二月朔布告天下諸侯補**奏新歷**漢書百官

志云太史令凡歲將終奏新年歷凡國祭祀喪娶之事掌奏良日及時節禁忌也**明得失**毛詩序云

國史明乎**記時事**環濟要畧云太史令取善記述者使記時事天下圖記最籍皆副焉**君**

舉必書漢書藝文志云古之王者世有史官君舉必書所以慎言行昭法式也**有過必書**

大戴禮云太子既冠成人免于保傅之嚴則有司過之史太子有過史必書之史之義不得不書過不書過則

死**補動則右史書之言則左史書之****以副賞罰以輔法**

教荀悅中鑒云古者天子事必告廟有二史左史記言右史記事先記臧否成敗存焉下及士庶苟有茂異

咸在載籍或欲題而不得或欲隱而名彰得失一朝榮辱千載善人觀焉悖人懼焉先王重之以副賞罰以輔

法教董狐良史左傳趙穿攻靈公於桃園弑之宣子聞者也難未出境而復太史董狐書曰趙盾弑

其君宣子曰不然對曰子為正卿亡不越境反不討賊非子而誰宣子曰嗚呼我之懷矣自詒伊感其我之謂

矣孔子曰董狐古之良史也書法不隱趙宣子古之良大夫也為法受惡補唐氏神史春秋

鈞云楚有蒼雲如霓唐史曰君慢令簡宗廟以無禮見患七國俱謀皆懷屠君於是立禮正推禱醮於廟堂之

前曰唐史之策上減蒼雲神史也青史記事漢書藝文志云青史子五十七篇注曰古史官記事

也太史據法韓詩外傳云據法守職右史朔望以聞周書

按今汲冢周書不載南史執簡以往左氏傳云崔杼弑其君壬太史書曰崔杼弑其君崔子殺

之其弟嗣書而死者二人其弟又書乃捨之南

作渾天

史氏聞太史盡死執簡而往聞既書矣乃還

儀

後漢書張衡傳衡遷為太史令乃研覈陰陽妙盡璇璣之正作渾天儀著靈應算罔論言甚詳明補按靈

憲序曰昔在先王將步天路用定靈軌尋緒本元先準

之于渾體是為正儀故靈憲作與衡集無算罔論蓋網

絡天地而算造地動儀後漢張衡為太史令陽嘉元年

之因名焉附造地動儀復造候風地動儀以精銅鑄成

員徑八尺合蓋隆起形似酒尊飾以篆文山龜鳥獸之

形中有都柱傍行八道施闕發機外有八龍首銜銅丸

下有蟾蜍張口承之其牙機巧制皆隱在尊中覆蓋周

密無際如有地動尊則振龍機發吐丸而蟾蜍銜之振

聲激揚伺者因此覺知雖一龍發機而七首不動尋其

方面乃知震之所在驗之以事合契若神自書典所記

未之有也嘗一龍機發而地不覺動京師學者咸怪其

無徵後數日駟至果地震隴西於是皆服其妙自此以

後乃令史官記地
動所從方起

蒼頡始作文字

帝王世紀云蒼頡取像鳥跡作文字史官

之作蓋自此始記其言行策而藏之也

胡母作博學章

漢書藝文志云博學七章者太史令

胡母敬所作也

倚相能讀五典

左傳云楚左史倚相能讀三墳五典八索九邱

張衡留

意天文

後漢書云張衡特留意天文由是遷太史令也按衡善機巧尤致思于天文陰陽厯算常好

玄經謂崔瑗曰吾觀太玄方知于雲妙極道數乃與五經相擬非徒傳記之屬使人難論陰陽之事漢家得天下二百歲之書也復二百歲殆將終乎所以作者之數必顯一世常然之符也漢四百歲玄其興矣
許

芝陳天命

諸葛亮集云太史令許芝謁者僕射諸葛璋有書與亮陳天命人事欲使舉國稱藩亮遂

不報

張壽非漢厯

蔡邕集議太史令張壽云云

終古出其圖法奔商

呂氏春秋云夏太史終古見桀迷惑暴亂出其圖法執而泣之乃出奔如商

屠黍以其圖法

歸周

也呂氏春秋云晉太史屠黍見晉之驕而無德義也出其圖法歸周按屠黍說苑作屠餘補

王

室多故桓公問史伯

國語云鄭桓公為司徒甚得周眾與東土之人問於史伯曰王室多

故余懼及焉其何所以逃死史伯對曰其濟洛河潁之間乎是其子男之國號鄆為大號叔恃勢鄆仲恃險是皆有驕侈怠慢之心而加之以貪冒君若以周難之故寄孥與賄焉不敢不許周亂而弊是驕而貪必將背君君若以成周之衆奉辭伐罪無不克矣皆充二邑修典刑以守之唯是可以少固補

漢祚將終

曹公語王立

張璠漢記云太史令王立言漢祚將終代漢者魏曹公聞之使人語曰天道深遠幸

言 勿多 單颺占黃龍

後漢單颺遷太史令初熹平末黃龍見譙橋玄問颺此何祥也颺曰其國

當有王者興不及五十年龍當復見此其應也魏郡人
殷登密記之至建安二十五年春黃龍復見譙其冬魏
受禪
補 蔡衡辯大鳥三輔決錄云辛皓降大鳥太史蔡衡曰五色多青者鸞也遠不度

古近不儀今

魏志高堂隆為侍中猶領太史令隆集上事曰太史許芝遠不度于古近不儀于今

按魏畧曰太史上漢歷不及天時因更推步強聖朔晦為太和歷帝以隆學問優深于天文又精乃詔使隆與尚書郎楊偉太史侍詔駱祿參共推校偉祿是太史隆故據舊歷更相劾奏紛紜數歲偉稱祿得日蝕而月晦不盡隆不得日蝕而月晦盡詔從太史隆所爭雖不得而遠近猶知其精微也補

廟令

太常屬官有諸廟令

漢書百官公卿表云太常屬官有諸廟寢園食官令長丞又廡太宰

太祝**醫令周官**

漢官儀云太醫令周官也
兩梁冠秩千石丞三百石

銅印墨綬

書

百官表注云太醫令一人周官也
銅印墨綬進賢一梁冠也

景帝改為祠祀令

漢書

公卿表云太祝令景帝更名
為祠祀令武帝更曰廟祀令

明帝改曰大予令

續漢書
百官志

云明帝永平十三年曹褒奏尚書璇璣鈴曰有帝漢出
德洽作樂名予帝善之下詔曰今且改太樂官曰大予

樂詩曲操
以俟君子

掌守陵園

續漢書百官志云高廟令
守廟掌業行掃除無丞

掌祝辭

周禮大祝掌六祝之辭以事鬼神示祈福祥求永貞一
曰順祝二曰年祝三曰吉祝四曰化祝五曰瑞祝六曰

策祝鄭注曰永長也貞正也求多福歷年得正命也鄭
司農云順祝順豐年也年祝求永貞也吉祝祈福祥也

化祝弭兵也瑞祝逆時雨寧
風旱也筴祝遠罪疾也補

掌讀祝

續漢書百官志云
太祝令一人六百

石本注曰凡國祭祀掌讀祝及迎送神補按漢舊儀曰廟祭太祝令主席廟漢官曰員吏四十一人其二人百石二人斗食二十二人佐二人學事四人守學事九人有秩百五十人祝人宰二百四十二人屠者六十人附

序神人

揚雄太樂令箴云笙磬既同鐘鼓羽籥籥周序神人協千萬國

典倡優

桓譚新論云昔

孝成帝時余為樂府令凡所典倡優伎樂蓋且千餘人按後漢桓譚傳云父成帝時為太樂令譚以父任為郎因好音律善鼓琴博學多通徧習五經皆詁訓大義不為章句能文章尤好古學數從劉歆揚雄辯析疑異性嗜樂簡易不修威儀而意非毀俗儒由是多見排抵補掌伎樂人續漢書百官志

人六百石掌伎樂凡國祭祀掌請奏樂及大饗用樂掌其陳序丞一人

教習伎樂

晉起居注云成

帝咸和中詔大樂令戴綬教習伎樂勤勞賜米百斛布三十匹

公車令

衛尉屬官有公車令

漢書百官公卿表云衛尉屬官有公車司馬衛士旅賁三令丞按漢

舊儀云衛尉寺在宮內胡廣曰主宮闕之門戶衛士於周垣不為區廬區廬者若今之仗宿屋矣補銅印

墨綬冠一梁

晉百官表注云公車司馬令一人周官也銅印墨綬絳服集賢一梁冠官品第七月

俸二十 領徵召 漢官儀云公車司馬令周官也掌殿司馬門夜徵宮中天下上事及闕下凡所

徵召皆 掌闕門 續漢書百官志公車司馬令一 釋之劾

奏不敬

漢書云張釋之為車府令頊之太子與梁孝王共車入朝不下司馬門于是釋之追止太子梁

王毋入殿門遂劾不下公門不敬奏之薄太后聞之文帝免冠謝曰教兒子不謹薄太后使使承詔赦太子梁

王然後得入文帝繇是
奇釋之拜為中大夫

周乘不畏強禦

周乘字子車台
為公車令不畏

強禦以見惡幸臣
拜交州刺史也

太官令

少府屬官有太官令

漢書百官公卿表云少府屬官有
太官令按師古注曰太官主膳食

補**秩六百石**

漢書儀云太官令一人
秩六百石掌鼎俎饌具

著兩梁冠

漢書儀
云尚書

陳忠奏太官宜
著兩梁冠也

司玉饗

揚雄太官箴云時
惟膳夫實司玉饗

掌御膳

續漢
書百

官志云太官令一人
秩六百石掌御飲食

掌諸御米

環濟要畧云導官令
掌諸御米飛麩也

主

春御米

續漢書百官志云導官令
一人六百石主春御米

掌六清之飲

應劭漢
書百官

公卿表云太史官令掌六清之飲陳八珍之饌慎口實之御防有敗之奸按周禮膳夫職云凡王之饋食用

六穀膳用六牲飲用六清羞用百二十品珍用八物醬用百有二十齏鄭注云六清水漿醴醢醬醎是也補

正百品之羞

漢書百官公卿表云太官令職在正百品之羞納四菜之貢

謁者皆細

幘單衣

又云太官謁者皆細幘大冠白絹單衣也補

奴婢皆緹縹蔽膝

漢書儀云

太官湯官奴婢各三千人置酒皆緹縹蔽膝上食用黃金口器

職在鼎俎不陳階位

應劭

注漢書儀百官表云太官職在鼎俎不陳階位

職役斯碎非文雅使

蔡邕書云太官令職

役斯碎非文雅所使也

時苗壽春令為太官

魏畧云時苗為壽春令遷為太官令領中

郡中張登在職勤為太官

魏志王朗集云朗薦張登詔曰登忠義彰著在職功勤名

位雖卑直亮顯饗膳近任
當得此吏今以登為太官令
爐炭赤紅而髮不絕韓非子晉

丈公之時宰臣上灸而髮繞之文公召宰人而譙之曰
女欲寡人之哽耶奚為以髮繞灸宰人頓首再拜請曰
有死罪三援礪砥刀利猶干將也切肉肉斷而髮不斷
臣之罪一也援木而貫鬻而不見髮臣之罪二也奉熾
爐炭火盡赤紅而灸熟而髮不燒臣之罪三也堂下得
無微有疾臣者乎公曰善乃召其堂下而譙之果然乃

誅之
增治吐炎而髮不銷謝漢書魯國陳正叔為太官
令時黃門郎宿與正叔有隙

因進食以髮穿實炎光武見髮勃斬正叔正叔曰臣有
當死罪三熾以爐炭增治吐炎焦蘆爛肉而髮不銷臣
罪一也拔出佩刀砥礪五石虧肥截骨不能斷髮臣罪
二也臣與丞及庖人六百而視不自臣始其罪三也詔
赦之救黃門也按韓非子曰昭僖侯之時宰人上食
而羹中有生肝焉昭侯召宰人之次而誚之曰若何為

置生肝寡人羹中宰人頰首服死罪曰竊欲去尚宰人也又按吳歷曰孫亮出西苑方食生梅使黃門至中藏取蜜漬梅蜜中有鼠矢召問藏吏藏吏叩頭亮問吏曰黃門從汝求蜜耶吏曰向求實不敢與黃門不服侍中刁玄張邠啓黃門藏吏詞語不同請付獄推盡亮曰此易知耳令破鼠矢矢裏燥亮大笑謂玄邠曰若矢先在蜜中中外當俱濕今外濕裏燥必是黃門所為黃門首服左右莫不驚悚此與上二事畧同并附

符節令

少府屬官有符節令

漢書百官公卿表云少府官屬有符節令御史令尚方令也

秩

千石

董巴漢中官傳云符節守官令秩千石兩梁集賢冠也

領符璽郎

後漢書百官志云符

節令一人六百石為符節臺率主符節事凡遣使掌授節尚符璽郎中四人舊二人在中主璽及虎符竹符之

半者補按漢官曰周禮掌節有虎節龍節皆金也干寶注曰漢之銅虎符則其制也周禮又曰以英蕩輔之干

寶曰英刻書也蕩竹箭也刻而書其所使之事以助三節之信則漢之竹使符者亦則於故事也附主作

器械漢書百官公卿表云少府屬官有若盧考工室如淳注曰若盧官名也按臣瓚曰冬官為考工主作

器械也典作衣服續漢書百官志云御府令宦者典官婢作中衣服及補浣之屬也主御

紙筆後漢書百官志云守宮令一人六百石主御紙筆墨及尚書財用諸物及封泥掌衣物後漢書百官志云尚

書百官志云內者令一人六百石掌中布張諸衣物掌器物後漢書百官志云尚

刀劍諸好器物主符節事續漢書百官志見上珍玩是聚崔寔尚方令歲

之王府九貢是鐘珍玩是聚宣命重威漢舊儀云周禮有典瑞掌節之土蓋所以宣命重威為國

信者也

太倉令

司農屬官有太倉令

漢書百官公卿表云司農屬官有太倉均輸平準都內籍田五令補

秩六百石

續漢書百官志云平準令一人秩六百石按平準令掌知物價主練染作采色補

銅

印墨綬

晉書百官表注云太倉令一人銅印墨綬朝服進賢一梁冠品第七月俸月二十斛品俸與上

太醫令

領田丘

杜預奏事云竊惟籍田令本以籍田千畝十頃之田計其按行周旋不過數里

也供宗廟粢盛

又云籍田令凡宗廟粢盛御用膳饈及羣神之調於是取所籍戶口足以當一

縣一邑所供至重事貴臨履也

趙有名譽

漢書趙廣漢傳云廣漢廉潔下士有名譽州郡舉茂才為

平準令 按廣漢少為郡吏州從事以廉潔通敏下士為名舉茂才平準令補宗不知書梁冀別傳

云孫壽姊妹夫宗所不知書因壽得為太倉令 按冀本傳云冀妻孫壽色美而善為妖態作愁眉嚙粧墮馬

髻折腰步嚙齒笑以為媚惑冀愛監奴秦官官至太倉令得出入壽所壽見官輒屏御者託以言事因與私馬

宮內外兼寵威權大震刺史二千石皆謁辭之冀用壽言多斥奪諸梁在位者外以謙讓而實崇孫氏宗親冒

名而為侍中卿校尉郡守長吏者十餘人補風俗通云愁眉者細而曲折嚙粧者薄拭目下若啼處墮馬髻者

側在一邊折腰步者足不任體 嚙齒笑者若齒痛不忻忻附

車府令

太僕屬官有車府令

漢書百官公卿表云太僕屬官有太僕未央家馬三令又車府路軫

騎馬駿馬

銅印墨綬官品第七

晉百官表注云車府令銅印墨綬朝服進賢一

梁冠官品第七

主乘輿車

續漢書百官志云車府令一人六百石主乘輿諸車

乘輿馬

續漢書百官志云未央殿令一人六百石主乘輿及殿中諸馬

通法獄

史記云秦王聞

趙高強力通法獄舉為中車府令按始皇三十七年十月行出游會稽並海上北抵琅邪丞相李斯中車府令趙高兼行符璽令事皆從補又始皇本紀云趙高嘗教胡亥書及獄律令法事胡亥私幸之高乃與公子胡亥丞相李斯陰謀破去始皇所封書賜公子扶蘇者而更詐為丞相斯受始皇遺詔沙邱立子胡亥為太子更為書賜公子扶蘇蒙恬數以罪具賜死附曹哀篤學東觀漢記曹哀傳云哀車府令按哀少篤志有大度結髮傳何充業博雅疎通尤好禮士常憾朝廷制度未備慕叔孫通為漢禮儀

晝夜研精沈吟專思寢則懷抱筆札行則誦習文
書當其念至忘所之適初舉孝廉再遷園令補
上官

憂不在馬

漢上官令遷未央殿令上體不安及愈見馬瘦上大怒曰令以我不復見馬耶桀曰聖體

不安日夜憂懼誠不在馬淚數行下上以為忠劉訓將兵據門東觀漢記劉訓傳云訓拜車府

令時東州郡國相驚有賊轉至京師吏民驚皆奔城郭上即夜詣省欲令將近兵據門以禦之也徐匡

執法守正

後漢書吳良傳云永平中車駕近出而信陽侯陰就干突禁衛車府令徐匡鈞就車收御

者送獄詔書譴匡匡乃自繫良上言曰信陽侯就倚侍外戚干犯乘輿無人臣禮為大不敬匡執法守正反下于理臣恐聖化由是而弛帝雖赦匡猶左轉良為即邱長補

武庫令

金吾屬官有武庫令

漢書百官公卿表云金吾屬官有武庫令

銅印墨綬朝

服武冠

晉百官志云武庫令銅印墨綬朝服武冠官品第七月俸二十斛

主兵器

續漢書百

官志云武庫令一人六百石本注曰主兵器丞一人補

職閒無事

漢書杜欽傳云為武庫令職閒

無事欽所好也

按欽少好經書家富而目偏盲故不好為吏茂陵杜鄴與欽同姓字俱以材能稱京師故衣

冠謂欽為盲杜子夏以相別欽惡以疾見詆迺為小冠高廣財二寸由是京師更謂欽為小冠杜子夏而鄴為

大冠杜子夏云時帝舅大將軍王鳳以外戚輔政求賢知自助深知欽能奏請欽為大將軍武庫令

車

駕出先驅

漢舊儀云靜令官車駕出在前先驅靜清所徼以示重慎

車駕出持麾

後漢

書百官志云武庫令右屬執金吾本注曰本有武道左右中侯三人六百石車駕出掌在前清道還持麾至宮

門宮門
乃開補

市令

內史屬官長安市令

漢書百官公卿表云內史屬官有長安市厨兩令

祭遵奉

法

東觀漢記云祭遵為門下史從征河北為軍市令舍中兒犯法道格殺之上怒命收遵時主簿陳副諫曰

今遵奉法不避是教令所行也上乃親貫之以為刺奸將軍按上謂諸將曰當備祭遵吾舍中兒犯法尚殺

之必不私元儒知人王隱晉書石苞傳云苞販鐵鄴市諸卿也補市長沛國趙元儒名知人見苞異

之因與結交歎苞遠量當至公輔由是知名按苞雅曠有智局容儀偉麗不修小節故時人為之語曰石仲容

姣無雙縣召為吏給農司馬會謁者陽翟郭玄信奉使求人為御司馬以苞及鄧艾給之行十餘里玄信謂二

人曰子後並當至卿相苞曰御吏也何卿相乎又見許
允求為小縣允謂苞曰卿是我輩人當相引在朝廷何
欲小縣乎苞還歎息不
意允之知己乃如此也

北堂書鈔卷五十五